

楞嚴正脉

五

C40
4514
(17)



C40-44-14

了翁上座譜六藏及百
家書置武州紫雲山
戒微笑塔院庭府中永
為學者不敢許出院內
當山二世鐵牛機謹誌



B 64853

大佛頂首楞嚴經正脈疏卷第五

京都西湖沙門交光真鑑述

桐城浮渡居士吳用先校刊

(五)二証釋別有結元疑証釋者照現諸佛同証以
釋也舊註謂此牒前不見所結云何知解而重問
若是則無味之甚良以上文明說六爲賊媒自劫
家寶具詳示根結之由解根之法又擊鍾驗過何
阿難忽又不知六根是結而又勞佛重答甚無謂
也當知阿難已領六根是結而今更請之結元卽
下諸佛所說俱生無明生既結根也不知六根當

體卽是離此別無故佛下答汝欲識知俱生無明
生死結根惟汝六根更無他物是也分二次一阿
難別求結元又三丁一就喻索元

阿難白佛言世尊如來雖說第二義門今觀世間解
結之人若不知其所結之元我信是人終不能解
所結之元意謂離此六根向上別有深根以爲結
之本元也此特阿難妄生擬意必有此元而謂不
知者必不能解耳丁二引人合喻又爲二戊一先
與合定

世尊我及會中有學聲聞亦復如是

五一詳開合文又三庚一遠敘妄纏

從無始際與諸無明俱滅俱生雖得如是多聞善根
名爲出家猶隔日瘧

此敘皆爲不知結元終不能解也諸無明卽五住
不地也俱滅生者常淪生死也阿難正以此俱生無
明方爲生死結根所謂結元也豈知六根卽是哉
得善根名出家者謂所得有學小果也隔日瘧者
謂得果時暫似解脫而入生死時依舊被縛也理
實不止有學雖彼無學羅漢不涉生死則已涉則
成縛正由不逢結處不關識心雖伏斷之終不得

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

脫(寅)二願佛愍示

惟願大慈哀愍淪溺今日身心云何是結從何名解云何是結者云何是結之本元也從何名解者言作何法以解之也經文語畧故人多未明耳(寅)三兼被未來

亦令未來苦難衆生得免輪廻不落三有

子三哀求指示

作是語已普及大衆五體投地雨淚翹誠佇佛如來無上開示

翹者如鳥張翼而望哺也阿難別求結元已竟卷

二如來証無他物大約明六根外更無物爲結元也分三(子)一諸佛同証蓋不離六根卽是妙性此爲難信難解之法阿難自經初至此重重蒙示猶不委信深解而捨易求難故佛恐自言不能令其確信而照現諸佛同以証信也分四(丑)一愍衆摩頂又爲三(寅)一愍念現在

爾時世尊憐愍阿難及諸會中諸有學者

此或上示無學已解斯但有學所疑故偏憐之(寅)二愍念未來

亦爲未來一切衆生爲出世因作將來眼

未來去聖愈遠信解愈難故普愍念之爲出世因者修証有賴也作將來眼者信解不迷也(寅)三摩當機頂

以聞浮檀紫金光手摩阿難頂

摩頂惟作哀憫攝受之意愍衆摩頂已竟(寅)二動十方界

卽時十方普佛世界六種震動

表六根將必解除也(寅)二感諸佛瑞分二(寅)一各放頂光

微塵如來住世界者各有寶光從其頂出

表此根中妙性乃尊而無上密而無見之法也(寅)二來灌佛頂

其光同時於彼世界來祇陀林灌如來頂

示同証此性無別性也(寅)三大衆喜慶

是諸大衆得未曾有

固是見瑞希有然亦表衆生同具致感同喜也(寅)

四聞諸佛言分二(寅)一標普聞同音

於是阿難及諸大衆俱聞十方微塵如來異口同音

告阿難言

異口同音者示諸佛同宣斯教非一佛獨說之言

足可深信彌陀經云汝等當信受我語及諸佛所說卽此意也亦卽蓮經法說諸佛道同此經光中親令見聞尤當信受(寅)二述諸佛教言又二(卯)一告結無他物

善哉阿難汝欲識知俱生無明使汝輪轉生死結根惟汝六根更無他物

俱生無明卽同體別惑最爲生死深源而稱其爲結根者結表固而不開根表續而不斷更無他物言此根性卽是俱生無明之元首固結生死之深根離此六根更無結元也(卯)二告解無他物

汝復欲知無上菩提令汝速證安樂解脫寂靜妙常亦汝六根更非他物

此復言其不但只是妄元仍是真元蓋罪之魁而功之首也無上菩提屬智果卽能証如如智也安樂等屬四德斷果卽所証如如理也安樂卽樂德解脫卽我德我以自在爲義故也寂靜卽淨德妙常卽常德更非他物者言離此根性無別真元矣良以根性本卽菩提涅槃元清淨體經初佛早判爲真本彼處人多不識我曾引此釋之諸佛同証已竟(子)二如來解釋分爲二(丑)一阿難未悟而述

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

問

阿難雖聞如是法音心猶未明稽首白佛云何令我生先輪迴安樂妙常同是六根更非他物意疑如來常說法相最要畧者亦有十八界等今何惟是六根而六塵六識皆不與耶二如來詳釋以除疑分爲二庚一長行分二卯一直以標檢又分爲二辰一標處一體

佛告阿難根塵同源縛脫無二

科言處者謂經之根塵攝十二處也阿難意中疑云若惟六根豈不遺乎六塵故此首句標告之云

根之與塵執相而觀則根爲內身而屬有情塵爲外器而屬無情似永異也而不知本惟一心妄分情器遡流窮源仍惟一體豈真有十二處之各體耶斯卽唯識宗相見皆依自証起矣次承上言由此根塵同源之故舉根而卽以攝塵是以縛爲凡流而受淪因此六根以爲結縛之本脫爲聖侶而自在亦此六根以爲解脫之源豈有二物哉辰二檢識虛妄

識性虛妄猶如空華。

阿難意中當復疑云根塵同源故舉根卽以攝塵

1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

而六識何以不言故此復檢云識乃前塵虛妄相
想猶若空華了無實體既非縛結之本又非解脫
之要故結解惟根而並不係於識也此處仍總結
云六塵旣無別體六識又極虛無故諸佛同言結
解惟是六根也理實只此標檢之科所以釋諸佛
之言者義盡無餘下文重釋重頌令其增明而已
師二重以釋成理本玄微而標文隱畧恐未徹了
故重以釋明然此中但釋所標而不釋所檢者以
旣檢去不用故也分二展一重釋根塵同源
阿難由塵發知因根有相相見無性同於交蘆

由塵發知者卽由六塵而後發六根之知也此句
見六根要須托六塵而後立因根有相者卽因六
根而後有六塵之相也此句見六塵要須托六根
而後有相見無性者言塵離根而固無獨立之自
性根離塵而亦無獨立之自性也交蘆別是一種
驟大過於常蘆生必二莖交抱而立二根盤結而
連單則撲地不能自立又其體外實內空今言猶
如交蘆者據長行似惟取於交倚不能自立亦如
根塵各無自性同源一體所以引下文縛脫惟根
而已據偈頌則仍取外實內空以喻根塵空有俱

非也故今長行雖未顯章空有之義亦應暗含雙
非之旨庶見下文立知無見甚有來歷矣後二重
釋縛脫無二

是故汝今知見立知卽無明本知見無見斯卽涅槃
無漏真淨

是故二字雖顯承上言根塵旣無兩體是以縛脫
但惟在根然亦暗承空有俱非而來更有意味知
見卽該六根之性立知者立空有二知也凡夫迷
六根之性爲有二乘晦六根之性爲空俱不達空
有俱非之旨也卽無明本者凡夫卽具足五住而

長淪分段皆迷有以爲之本也二乘卽尚餘第五
而未出變易皆晦空以爲之本也無見者無空有
二見也凡夫於根性除執有之見二乘於根性除
偏空之見也涅槃卽番上二種生死無漏真淨卽
離上五住無明斯卽云者蓋凡夫除前四住先得
有餘涅槃無漏真淨所謂此根初解先得人空也
二乘除第五住究竟無餘涅槃無漏真淨也因此
經凡小當機故作是說若本來大根不必分約二

人矣

舊註二解俱非前解撥有取空不顧偈中空
同妄之言夫重頌不遠居然抗違猶云並符佛旨
註疏豈易能哉學者宜慎重之間此之知見與法

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

華知見及此經圓彰三藏之後所說知見同耶異耶答更無別法但說示泛切不同耳法華標名未及釋義解家隨情於經無証泛之甚也斯經金口自釋圓彰三藏卽佛知見亦取衆生藏心本具非取修証所成然於衆生現前未曾指其具於何處是猶未的切也今此處於衆生現具六根中性指出如來知見方甚爲的切而非泛也蓋以知卽內之意根見卽外之五根而此根性旣周徧常住爲苦提涅槃元清淨體而三藏圓具非如來知見而何單傳直指亦密指於此而已而顧謂之教外者欲其離文字廻光親見耳若卽隨言作教外想是痴人前不得說夢也珍重之重以釋成

已竟卯三總以結歸

云何是中更容他物

此卽結歸諸佛本語也是中卽結中與解中也意言結中惟是根結而更無他物能爲結元解中惟

是根解而亦無他物能爲解元此諸佛所以同言更無他物也長行竟庚二偈頌分二卯一標頌爾時世尊欲重宣此意而說偈言

卯二偈文分二科

庚一祇夜頌前二卯一頌直以

標檢二壬一超頌檢識虛妄法相宗五位唯識前四有爲第五無爲今偈文顯然雙破故知乃是超頌識性虛妄猶如空華蓋佛頌長行多變文顛倒不次頌之天台解法華以超頌追頌科之是也前人不達超頌識性強作根塵同源等釋之文甚不類義豈得通不能闕疑故也今請別釋智者辯之

60 1 2 3 4 5 6 7 8 9

70 1 2 3 4 5 6 7 8 9

又復分二末一揀有爲

真性有爲空緣生故如幻

掌珍論偈義意全同

全破唯識
故與經同

文辭小異上二句

云真性有爲空如幻緣生故第二句與經全同清涼謂其語倒應云有爲真性空蓋言有爲之識有無爲經意別指前六有漏無漏無真自性故云空也此說極是至於次句若按比量則論偈仍倒謂因喻
顛倒也經偈乃正蓋上句是所立決定之宗下句緣生故三字推上立宗之因也蓋言因其皆托緣生所以決定空無性也如幻二字是同喻彼鈔立量云有爲是有法定空無性是宗法因云從

爲

無爲無起滅不實如空華

論偈云無爲無有實不起如空華此則經偈不順

比量

謂宗因
顛倒也

論偈乃順蓋經之上句無爲合下句

不實卽論之無爲無有實也是所立決定之宗經

之無起滅卽論之不起是推上立宗之因也蓋言

因其對起滅而立無起滅所以決定不實也

當知卽起

滅而本無起滅則二義齊銷圓實義也對起滅而立無起滅則二皆非實權小義也以小則相外取空權則真須離妄故耳故彼鈔立量云無爲是有法不實是宗法因云不起故同喻如空花良以空

花無有起空花無有實無爲無有起無爲亦無實論又云若有有爲法則有無爲法既無有有爲何得有無爲耶

未當結云識之有爲與識之無爲二皆非

實我故曰識性虛妄猶如空華也

問佛破識心何以知其並無爲

而亦破耶答經初佛破識心破至深處一則曰縱

滅見聞覺知猶爲分別影事二則曰非色非空昧

爲冥諦離諸法緣無分別性三則曰現前雖成九

次第定不得漏盡皆由執此妄想誤爲眞實誰謂

但彼有爲而

不破無爲乎

①二追頌標處一體又二②一頌根

壓同源又曲分二③一先以況顯
言妄顯諸真妄真同二妄猶非真非真云何見所見
此以真妄尚無二體況顯根塵豈有異源言妄顯
諸真者泛言凡對妄所顯諸真也妄真同一妄者
不破無爲乎

言二俱成妄畢竟非真也以妄居真外則妄實有
體反乃不成妄義如影有實體影義不成也真居
妄外則理不攝事反乃不成真義如鏡不現影鏡
義不成也二義不成故二俱同妄矣猶非真非真
者以猶非二字雙貫下真與非真卽雙非真與妄
也蓋非真非妄正明真妄尚無二體矣云何見所
見者見卽根也舉眼根以攝餘五也所見卽塵也舉色塵以攝餘五也

正以況能見之根與所見之塵豈有異源乎決定
非二體矣由是下科遂結定之④二後以結定

中間無實性是故若交蘆

是故二字意當在中間上承前況顯意云所以根塵相倚而立中間無有各自實性但如交蘆有二相而無二體矣未二頌縛脫無二

結解同所因聖凡無二路

結解約法聖凡約人結解卽縛脫也同所因者同因六根也無二路者離根性更別無路也此亦承上而言根塵旣無二體所以縛脫惟是六根離六根豈復別有結元哉頌直以標檢已竟已二頌重以釋成又分二①一頌重釋根塵同源

汝觀交中性空有二俱非

此須法喻雙釋喻中交蘆適言其有其中元空適言其空則其外元實法中根塵適言其有則其體空廓自在無繫適言其空則其用圓融周遍法界故曰空有一俱非也此長行缺畧而偈頌詳具者耳二頌重釋縛脫無二

迷晦卽無明發明便解脫

首句頌知見立知卽無明本也言凡夫迷六根爲有則失其自在無繫之體二乘晦六根爲空則失其遍現互融之用故俱墮無明生死卽五住二宛解現長行次句頌知見無見等三句也發謂審迷

發悟不復著有也明謂轉晦成明不復沉空也解脫謂遠離五住二死合前長行觀之義無不盡矣祇夜頌前已竟辰二伽陀開後分二巳一正以開後

解結因次第六解一亦亾根選擇圓通入流成正覺首二句開後綰巾示倫科也解結因次第者如後文云此根初解乃至俱空不生是也此因解字在上故作是說
據後文理實結之與解俱有次第依彼卽應結字在上矣詳之六解一亦亾者如後文云若總解除尚不名一六云何成是也末二句開後冥授選根科也根選擇圓通者卽後文倫

選諸聖偏擇耳根是也入流成正覺者卽入流亾所乃至寂滅現前等文是也巳二別彰五勝此備五種殊勝卽是五章皆依根性發揮意顯此經正因其爲根性法門以致五章俱勝豈可不委信之而別求結元乎此以體宗名用教相爲序就分爲五午一體性精密

陀那微細識習氣成暴流真非真恐迷我常不開演首句明其卽妄而眞陀那此云執持第入識受轉之別名佛前判二種根本時卽呼根性爲識精明元今復呼爲陀那則根性爲入識無疑然此經以

如來藏性爲體而八識即是藏性所以舉此以彰體勝也又權小欽仰陀那而忽慢六根不知根性卽陀那體故示之令信重根性也深隱而非淺顯曰微精妙而非麤浮曰細當知經初十番所示卽曲盡其微細矣次句明其卽真而妄習氣卽陀那所持種子也深密經云阿陀那識甚微細一切種子成暴流以此習種能引生諸趣根身器界流轉無停故如瀑流當知經初所說二種顛倒見妄爲輪迴本者卽此習氣矣末二句雙承上二句而言由其卽是陀那細識故真由其帶持瀑流習氣故

非真恐迷者言我若說其爲真其柰帶持種子妄習不除衆生將迷妄爲真未免瀑流漂轉也我若說其爲非真其柰體卽細識離此無真衆生將棄真爲妄未免向外馳求也我常不開演者言由此真與非真二俱難言是故非時非機寧常密之而不言不令衆生墮彼二種之迷也經又云我於凡愚不開演恐彼分別執爲我謂恐其執爲真我也此但偏恐迷真而遺非真之迷不如本經義全矣問時機若對何以不迷答自然知其卽真而不外覓又知其帶妄而不廢修何迷之有是知此法秘

密時乃說之非輕易常說之法珍重珍重④二宗趣簡要

自心取自心非幻成幻法不取無非幻非幻尚不生幻法云何立

承上科真與非真二俱易迷如此故此科憫其迷而示以出迷之要也卽是宗趣首二句言起妄本無多法也意言迷雖易迷惑亦甚要原其最初但因不悟見相二分惟一自心而乃誤以能見之心妄取所見之境由是從無人無法非幻境中

識

中攬塵結根

卽見精映色

結色成根等

幻生法相人相所謂從

明業無

非幻而成幻法也末三句言苟能了此則破妄亦甚簡要也不取二字便是最簡最要處言前旣妄見攬塵橫生幻法今乃旋根脫塵不復取着而已當知卽是後圓通中入流亡所等功夫也無非幻者言此不取工夫極則必至人法俱空非幻之境亦迥然脫矣末二句以深況淺之詞言人法俱空之境

理實卽是無明業識中也尚亦不生而法相人相豈能存立乎若圖明白當云不取無俱空俱空尚不生人法云何立妙不可言是則以不取爲宗以了幻爲趣而簡要無以加矣此皆具取佛意非胸臆別說

也。④三名稱尊勝。

是名妙蓮華金剛王寶覺。

妙蓮花者卽妙法蓮華法喻雙舉也然妙法卽指根中藏性衆生現具如蓮之方華卽果也又根性卽佛知見卽實相體故知此經爲法華堂奧也金剛王寶覺亦喻法雙舉也金剛王卽最堅最利之至寶寶覺雙含實相觀照二種般若所謂如如智如如理也喻以金剛王顯其照法無有不空也故知此經爲甚深般若也然前名詮顯一真本有後名詮顯萬妄本空而此根性法門亦卽法華金剛

二經之體是故名稱兼備二經之尊勝爲諸經王

⑤四力用超越

如幻三摩提彈指超無學

三摩提此云等持謂定慧平等任持默指圓通中入流卽照理之慧忘所卽息妄之定等也而言如幻者圓人知真本有達妄本空無修而修無斷而斷故云如幻非如權小染實之修也又已悟本惟一心遠離能所而方便建立能聞所聞直至生滅既滅寂滅現前方將三重能所如幻之修次第脫盡所謂諸幻旣消非幻不滅也彈指明最速也超

無學者由其如幻故一修一切修一斷一切斷而此根初解先得人空已與無學齊力空性圓明成法解脫卽超無學遠矣何況俱空不生乃至於無上知覺乎

五教相究竟

此阿毘達摩十方薄伽梵一路涅槃門

阿毘達摩此云無比法卽稱此根性教法非他教法可比雖云十方亦該三世薄伽梵於十號中與世尊互換出沒具足六義謂自在熾盛端嚴名稱吉祥尊貴多義故不畱也一路者三世十方諸佛共由之達道也涅槃獨取萬德周圓五住永寂爲

義所謂無餘大涅槃究竟極樂之果地也然須以根中圓湛不生滅性爲因地門戶故卽以爲入涅槃之門也夫旣爲無比教法而又與涅槃爲門戶足顯斯經以無上醍醐爲教相非酥酪之可及矣

如來解釋已竟

子三天衆開悟

於是阿難及諸大衆聞佛如來無上慈誨祇夜伽陀雜糅精瑩妙理清徹心目開明歎未曾有

吳興曰祇夜此云應頌又云重頌卽頌上長行也伽陀此云諷頌亦畧曰偈不因長行但諷美而頌之二頌合明故云雜糅精瑩此指能詮也妙理清

徹此謂所詮也。○精者其詞微妙瑩者其語明透妙理如說根性卽是藏性乃至菩提涅槃喻以蓮花金剛可謂理窮妙極矣絕無纖塵曰清盡其底源曰徹心目開明者謂心眼洞開徹見根性卽如來藏頓息馳求無復狐疑矣阿難自此方以委信根性爲修証之門不復致疑向下但請倫次及擇一門而已非是更疑也驗証以釋二疑已竟辛三綰巾以示倫次前偈云解結因次第六解一亦已正開此科故此承彼而來然佛以六結而喻六根前人見其結數偶同於根數遂謂六結卽喻眼耳

等六以致喻中六結實有次第法中六根本無次第宛有法喻不齊之過却又不敢以過歸佛而強教後人不可以喻難法是何言歟佛號一切智人而說法先以帶過其何以折伏魔外而垂範人天哉決不然也蓋佛說六結本非卽喻眼等橫列之六元是堅推其由真起妄從細向麤展轉六層而後根相備著及其反妄歸真從麤向細亦展轉六層而後根相解除且經文中結之次第與解之次第皆叮嚀具載但不拘六層而文辭含攝不甚開顯至後觀音圓通逆次解之六結宛然取彼釋此

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

何有法喻不齊之過智者詳之分三㊂一阿難敘

請又分三㊂一敘已領

阿難合掌頂禮白佛我今聞佛無遮大悲性淨妙常
真實法句

無遮有二一人無遮不擇下劣同施上法二法無
遮不擣秘密闡露無餘皆以大悲愍念爲本故能
如此也性卽根性此一字屬體下三字皆體中所
具義相枉染無染曰淨居縛不縛曰妙隨流不變
曰常此句屬所詮了義曰真無虛曰實法句卽前
偈頌此句屬能詮已皆領悟故敘謝之㊂二敘未

明

心猶未達六解一亾舒結倫次

此作兩節而問故佛下亦作兩節答之六解一亾
者六結既解一亦不存也舒結倫次者謂舒之與
結皆有倫次也㊂三請垂示

惟垂大慈再愍斯會及與將來施以法音洗滌沉垢
沉垢者卽二執與俱空諸細惑也㊂二如來巧示
此中取喻非是但愚言說而綰巾示結言相並彰
令人易省誠至巧也分二㊂一巧立喻本又二㊂
一元依一巾

卽時如來於師子座整涅槃僧歛僧伽梨攬七寶几
引手於几取劫波羅天所奉華巾
溫陵曰涅槃僧裏衣也僧伽梨大衣也劫波羅此
云時分卽夜摩天^于二綰成六結又二^于一歷問
以顯次第

於大衆前綰成一結示阿難言此名何等阿難大衆俱白佛言此名爲結於是如來綰疊華巾又成一結重問阿難此名何等阿難大衆又白佛言此亦名結如是倫次綰疊華巾總成六結一一結成皆取手中所成之結持問阿難此名何等阿難大衆亦復如是

次第酬佛此名爲結

疊華西天之帛價直無量今天獻尤爲貴重可知
一問答而結卽示結時元有倫次顯然不是橫
喻眼耳等六以彼根結元非先眼後耳等也^于
故問以示結同

佛告阿難我初綰巾汝名爲結此疊華巾先實一條
第二第三云何汝曹復名爲結阿難白佛言世尊此
寶疊華緝續成巾雖本一體如我思惟如來一綰得
一結名若百綰成終名百結何況此巾祇有六結終
不至七亦不停五云何如來只許初時第二第三不

名爲結

首五句經文稍以倒亂此疊華巾先實一條當爲
首二句下接我初綰巾等則文理不倒而意不隔
矣此譯寫之誤也此科辯定文長似乎淡無情謂
細詳實有關要按後圓通所解六重結相一動二
靜三聞四覺五空六滅由前而後則疎親有異由
後而前則細麤不同若不與之顯示結同則初心
者或忽於疎而始無入門中途者或住於細而終
無究竟故示一六結同正欲始終解盡矣誠哉須
信佛語深也然不直說而乃故意反問以激阿難

自說者將使因喻以詳法矣巧立喻本已竟參二
分答二問就分二甲一答六解一亾又二乙一示
從至同而遂成至異此卽先示從一成六也蓋言
未結之先一相不立六相何有所謂至同也旣結
之後六相定別一相奚存所謂至異也又二庚一
就喻辯定又四甲一按定同異

佛告阿難此寶華巾汝知此巾元止一條我六綰時
名有六結汝審觀察巾體是同因結有異

那二強異爲同

於意云何初綰結成名爲第一如是乃至第六結生

吾今欲將第六結名成第一不

此亦故問反激令其自辯可否也前五句猶是牒
成一定次第吾今下方是故問可否也
那三阿難
不許

不也世尊六結若存斯第六名終非第一縱我歷生
盡其明辯如何令是六結亂名

那四如來印定

佛言如是六結不同循顧本因一巾所造令其雜亂
終不得成

意言六雖本於一成六在而序尚不可少亂一相

豈能復見哉一相尚不可見豈復望其心一哉就
喻辯定已竟那二以法合喻

則汝六根亦復如是畢竟同中生畢竟異

益言真心本體一相尚不可得六結豈可得哉所
謂畢竟同也及其從真起妄而六結已成則其序
尚不可亂而其六豈能暫忘哉所謂成畢竟異也
示從至同而遂成至異一科已竟那二示除至異
而仍成至同此卽正示六解一亾也番轉上科其
意可省分二那一就喻辯定

佛告阿難汝必嫌此六結不成願樂一成復云何得

阿難言此結若存是非鋒起於中自生此結非彼彼
結非此如來今日若總解除結若不生則無彼此尚
不名一六云何成

嫌六不成者嫌之而不欲其成六結也願樂一成
者惟願其還成一巾也鋒起者諍論紛然如兵戈
競鬪也尚不名一者蓋言既不對於六結亦不起
乎一想也六云何成者言一想尚無六相安狂哉
審二以法合喻

佛言六解一亾亦復如是

法中六固同名六結一乃轉名一真然一亾亦非

並其真體俱失但是既不對乎六結自不立乎一
真而已答六解一亾竟三二答舍結倫次分二四
一結之倫次又三五一順次成結

由汝無始心性狂亂知見妄發發妄不息勞見發塵
心性卽所依妙明本覺依此橫起無明爲狂本經
以演若狂性喻於無明故也無明所生三細爲亂
圓通中當於滅結知見妄發卽見法實有乃法執
本經以如是擾亂指於三細故也此卽第一結成
圓通中當於滅結知見妄發卽見法實有乃法執
位卽二三結成圓通中當於空覺二結二乘涅槃
彷彿在茲勞見發塵卽見我及我所乃人執位餘

三結成圓通中勞見卽當根結發塵卽當靜動二
結三界生死寧能外此此固從真起妄自細向麤
結之倫次歷然可見矣(寅)二更以喻明

如勞目精則有狂華於湛精明無因亂起

湛精明卽淨眼界也目睛與湛精明皆喻上之心
性勞喻無明業識狂華喻法我二執境界卽涅槃
與生死也於湛精明無因亂起者喻於無法無人
淨心中橫生諸結也(寅)三逆次合喻

一切世間山河大地生死涅槃皆卽狂勞顛倒華相
上之法喻皆從細漸麤以成諸結故名順次今此

合文從麤向細故爲逆次首二句卽六塵境界正
當動靜二結生死須依根身正當根之一結以上
攝於人執涅槃全是法執正當覺空二結末二句
攝歸無明業識而指同前喻也狂勞顛倒卽無明
業識正當滅結也華相雖合前喻然亦非說眼中
空華乃言無明業識所發華相卽指生死涅槃之
妄境耳同前所謂菩提燈發勞相但前顯依真此
顯依妄張拙謂涅槃生死等空華者此也此雖逆
於生起倫次而實順於解結倫次到下舒之倫次
其義自明(寅)二舒之倫次分二(寅)一阿難求解倫

次

阿難言此勞同結云何解除
 夫勞兼山河大地生死涅槃阿難乃謂此勞同結
 足知六結不卽指於眼耳等六明矣此則不惟顯
 舊註分明錯誤亦可驗我所分析之六結非鑒也
(寅二)如來因問發明分二(卯)一先授舒之方法又
 分四(辰)一就喻巧示又三(巳)一引悟二邊不解
 如來以手將所結巾偏掣其左問阿難言如是解不
 不也世尊旋復以手偏牽右邊又問阿難如是解不
 不也世尊

左掣譬觀六根爲有則同凡夫之滯有而長淪生
 死豈能解根乎右牽譬觀六根爲空則同二乘之
 斷空而永晦涅槃安得圓通乎所謂空有二俱非
 也當知上科生死涅槃正爲此空有二非張本矣

(巳二)引悟中道方解

佛告阿難吾今以手左右各牽竟不能解汝設方便
 云何解成阿難白佛言世尊當於結心解卽分散
(巳三)印定必用中道

佛告阿難如是如是若欲除結當於結心
 結心雖譬中道然非兼彼空有合成中道亦非離

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

彼空有別立中道乃是悟此根性體自在而無繫
本不屬有不迷爲有而已更不勞於觀空破有也
達此根性用徧現而互融本不屬空不晦爲空而
已更不勞於觀有破空也如後耳根圓通既不執
有亦不觀空惟一反聞忘塵頓入由是而二空漸
証妙體現而有自破也俱空不生大用起而空自
離也是則反聞自性卽是結心雙超空有之中道
也前人不達強以別安三觀其說支離眞爲蛇添
足也又二邊不解合前知見立知卽無明本中道
方解合前知見無見斯卽涅槃以此雙非空有之

中道故卽無見之謂也問雙非而不雙卽恐非極
中答佛旣但言空有俱非固當惟奉佛語且體旣
非有何嘗不卽空用旣非空何嘗不卽有乎就喻
巧示已竟

卷之三二明法精微

阿難我說佛法從因緣生非取世間和合麤相

佛說入道因緣隨機淺深麤細不出二種一者頓
見本心但離妄緣回光性地不假識心緣慮諸境
自然雙融體用迥超有空由此而登妙覺所謂微
細因緣也二者未獲本心依托意識生心立境互
破有空假三昧力取証非真終無實果皆所謂世

間心境和合麤因緣也以權小權許出世而圓乘
律之仍屬世間故也今此解根法門正教不托識
心而旋根卽是回光忘塵卽是離緣由是乃至寂
滅現前濬發大用真微細因緣也(辰)三示說不謬
此科所以勸莫疑也分爲二(巳)一統知染淨因緣
如來發明世出世法知其本因隨所緣出

孤山曰世謂六凡出世謂四聖○六凡爲染四聖
番染俱淨然六凡以善惡不動業爲因以趣生時
各所見憎愛境界爲緣四聖以多生積薰諸乘教
理爲因以新遇善知識聞法觸境爲緣但權小比

現二量多惟得其總相知之未盡如來現量一一
別知其詳也(卯)二懸知極遠極細
如是乃至恒沙界外一滴之雨亦知頭數現前種種
松直棘曲鵠白烏玄皆了元由

懸知有二一地遠懸知如界外雨滴二時遠懸知
如松等元由元由指多劫遠由間無情何有多劫
感招答無情勝劣皆有情共業罪福所感如佛對
松棘必知此方衆生從無始來爲有何等業感生
此直松曲棘也餘可類知(辰)四勸修必証

是故阿難隨汝心中選擇六根根結若除塵相自滅

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

諸妄銷亾不真何待

是故承上言佛智如此則所說解法決無差謬所許証取決不瞧誤是故汝當確信選根也諸妄銷亾者卽想相爲塵識情爲垢二俱遠離也先授舒結方法已竟那二後示舒之倫次舒法旣得則結必將舒不明示以舒之倫次則何以驗其淺深而抵於成功耶故此方示以倫次矣分三展一如來反問引悟

阿難吾今問汝此劫波羅巾六結現前同時解縈得同除不

此以無次第故問令自辯也展二阿難悟喻次第不也世尊是結本以次第綰生今日當須次第而解六結同體結不同時則結解時云何同除

六結同體者如云雖同一巾所造也觀此問答則似如來惟恐衆生迷誤成無次第故激其朗然陳說令知決有次第後人何得仍以一根返源六根解脫之証而抗其決無次第耶大抵祇因錯謂六結橫喻六根而不達豎推之義故差謬亦至於此耳展三如來乘悟合明分三展一總與合定佛言六根解除亦復如是

(巳)二別開合文又三(午)一先除我執

此根初解先得人空

按後圓通逆斷之次則此層中含攝三結謂一動二靜三聞也入流忘所是初忘動塵爲除第一結動靜不生是次忘靜塵除第二結此當須隨還果斷於我執分別卽見惑也次盡聞根除第三結此當後三果斷於我執俱生卽思惑也所謂此根初解先得人空也以圓教菩薩常途則當七信此卽解前勞見發塵盡世間山河生死也(午)二次除法執

空性圓明成法解脫

按後圓通則此層中含攝二結覺所覺空先捨智愛卽斷法執分別爲除第四結空所空滅次捨理愛卽斷法執俱生爲除第五結所謂空性圓明成法解脫位也蓋空人而不空法但得空性之少分而非圓明故法解脫位方得圓明且法執麤細有異執諸法心外實有麤法執也愛所修証勝法不能捨離細法執也今菩薩任運雙斷於忘所時塵_尾執已盡而此二位盡其細執而已以圓教菩薩常途則當八九信此卽解前知見妄發盡出世間涅槃

槃也①二後除空執

卷五

二十一

解脫法已俱空不生
按圓通此惟當於一結謂生滅既滅寂滅現前卽
脫俱空之境爲除第六結也蓋解脫法已卽生滅
既滅俱空不生卽寂滅現前夫寂滅不是空境乃
本有一真心體卽理法界真如實相所謂山河大
地應念化爲無上知覺時也此若現前萬用齊發
豈尚滯於空耶良以生滅既滅雖離前空相而滅
相猶存若真寂滅不現前時則住俱空境永爲滅
相所覆名頂墮位故知寂滅現前方得俱空不生

俱空不生方得寂滅現前更互資發如此此卽解
前心性狂亂盡狂勞顛倒過菩薩乾慧境也

問前

有俱非又言當用中道今何人法二空以破有俱空不生以破空耶答此藥病不分混濁之間難也譬如有人本因元氣受傷標現寒熱二病患者或服熱藥或服寒藥皆不能愈智者不用熱藥亦不用寒藥但用直扶元氣之藥則此病初愈先退熱病熱病平復寒病亦除寒熱除已調理亦忘法中根性被縛如元氣受傷也有空二執俱結如標現寒熱二病也凡小用空有二邊皆不能解如愚人服寒熱二藥皆不能愈也今經令不着空有如不服用寒熱二藥也惟令旋根脫塵如惟用直扶元氣之藥也此根初解先得人空如此病初愈先除熱症也空性圓明成法解脫如熱病平復寒病亦除熱是喻中雖得寒熱二病俱除而智者初未嘗用寒熱二藥而所用者惟直扶元氣之藥也法中雖得空俱破而行者初未嘗用有空之觀而所用者

惟旋根脫塵之法也今乃因其所破之執而錯責
所用之法証其著於空有何異因其所愈之病而
錯怪所用之藥証其用於寒熱乎且人法二執圓
教獨不當空乎豈可見圓人之証二空而遂責其
偏空乎此固因果未別藥病不分責其
之濫而舊註紛紛之辯皆此過矣別開合文已竟

②三出名顯證

是名菩薩從三摩地得無生忍

三摩地卽如幻三摩提此屬妙因無生忍者華嚴
第三忍言菩薩住此忍中不見有少法生不見有
少法滅今經示見不分文云菩薩於其自住三摩
地中見與見緣并所想相如虛空華本無所有此
見及緣元是菩提妙淨明體此雖正示因地實與

無生果地一如此屬妙果攝位雖寬今且目於初
住位中如來巧示已竟③三大衆悟明

阿難及諸大衆蒙佛開示慧覺圓通得無疑惑

慧卽始覺乃照根性了倫次之妙智所謂道眼也
覺卽本覺乃根中圓湛之性所謂妙明心也圓通
卽六根互用周徧圓融之果初住向去分真之位
也今雖未依次而解豁然而証實亦決定分明了
無疑惑矣綰巾以示倫次竟④四冥授以選本根
前三大科皆惟教其決定從根解結且示以根結
之由解根之法亦言當從一門而入但未分明指

示何根可入故阿難至此方以求佛指明也分三
(甲)一阿難請示本根又三(乙)一領前拜謝
 一時合掌頂禮雙足而白佛言我等今日身心皎然
 快得無礙

身心皎然者卽心目開明也快得無碍者卽暢達
 而無所障隔也(丙)二正請開示分爲四(丁)一自述
 迷悟以請

雖復悟知一六亾義然猶未達圓通本根

一六亾義卽六解一亾之義是其所已悟也未達
 者卽尚迷而未悟者也本根卽此方對機之根也

唯此科末二句是請中要語以後但是哀懇之辭

(子)二慶幸遭遇如來

世尊我輩飄零積劫孤露何心何慮預佛天倫如失
 乳兒忽遇慈母

飄零卽諸趣流轉出無聖眷之濟拔曰孤入無涅槃之退藏曰露何心何慮蓋當孤露之時慶其出
 於望外也預在也父子兄弟以天合者曰天倫君
 臣朋友以義合者曰人倫今爲佛堂弟故在佛天
 倫中也於流轉時久無憲於法乳故如失乳兒蒙
 佛法乳無量故如忽遇慈母也(子)三反言不可無

進

若復因此際會道成所得密言還同本悟則與未聞無有差別

際會道成卽師資道合也所得密言卽前開示也還同本悟者反言惟守知解不加行證也末二句言徒聞無益也正表須加行證也④四正求垂示秘嚴

惟垂大悲惠我秘嚴成就如來最後開示惠秘嚴者求其恩施行証從入之妙門也最後開示者究竟全分之慈誨也卷三請後拜懇

作是語已五體投地退藏密機冀佛冥授
末二句以阿難大權備曉諸聖各具妙門却不顯然請佛勅衆各說但求佛禮畢卽起默聽故曰退藏密機然意中望佛不勞自說但勅諸聖各說則當機自可因言默契故曰冀佛冥授蓋上句不欲言請而下句乃以意請是則大權施設之宜師資簧鼓之意於茲備見之矣二佛勅諸聖各說此固順前意請然必令各說者一顯二十五門徧該諸法頭頭可入但取一門當此方機非謂聖性惟通一門也二取諸聖各皆親修現証非空談無驗

之法也分三科④一佛問諸聖爲二⑤一標所告之衆

爾時世尊普告衆中諸大菩薩及諸漏盡大阿羅漢惟憑後文佛言彼等修行無優劣差別則此諸聖名位大小法門偏圓皆同一味圓實更不須疑何勞多辯若仍有大小偏圓則佛之後言乃成誑妄安有此理當知此經實在法華之後故經中直許二乘修於菩提而曾無驚怪若在法華之前則此經已談實相及佛知見而聽衆各各自知心偏十方乃至獲心常住是其二執蕩然成佛無疑法華

更何開顯縱令重說又何驚怪之甚哉且孤山謂教已開顯又云既經發迹皆指法華佛所顯發而吾與謬辯其非似謂孤山說諸聖各自開顯冤哉斯言孤山之屈何所伸乎且吳興執拗強引不了義經橫分大小而優劣差別宛然不混是已公抗佛旨未却又引佛言并偈乃謂開權顯實之正文殊不知汝分優劣差別若是佛言則非佛言若是則汝分優劣差別則非豈得二俱成是乎是始而橫說人非終亦自無決定其言類多如此智者當察孤山之言元順佛旨本無過差也⑥二述告勅

之言又分二(甲)一先按所成之果
汝等菩薩及阿羅漢生我法中得成無學
菩薩羅漢并稱無學者正以地上既通羅漢之名
菩薩豈避無學之號何況達真了妄修卽無修永
嘉云絕學無爲開道人不除妄想不求真誌公云
不起絲毫修學心無相半中常自在是菩薩無學
之明証也(乙)後問入圓方便
吾今問汝最初發心悟十八界誰爲圓通從何方便
入三摩地

顯然不問現今深果但問最初方便不言七大攝

入十八界中六塵攝前五大根識攝後二大(癸)二
衆說本因二(子)一衆聖畧說以其均是入圓方便
故須徧說可以擴人圓融見解又以其不當此方
根性故但畧說不欲行人亂修也分四(丑)一六塵
圓通相宗謂塵是賴耶相分斯經謂是如來藏心
行人能於一塵發悟則藏性現前故卽六塵圓通
問此與宗門見色聞聲入道者同耶異耶答不盡
同而亦不盡異也宗門人據現生悟處未必是彼
修習法門如靈雲豈以桃花爲修門耶但是參究
疑情逼拶功極忽於見色處督的透露而已今四

諦不淨嘗藥觀法多是所修法門功久證入若此則未敢言同也然宗門人亦有差別因緣具眼師家能預知之如緣在聲處決不於色處悟乃至於人於經棒喝言句等皆各一定不得錯亂推其過去未必不是彼熟習使然也不然則師家何預知之若此則與諸聖亦未敢言異也惟香嚴跋陀等聞香覺觸等似一時忽然之事則與宗門現生之悟相似耳智者審之就分六演一陳那聲塵分三科鄉一作禮陳白

橋陳那五比丘卽從座起頂禮佛足而白佛言

五比丘解現初卷鄉二陳白之言分三演一敘悟聲教

我在鹿苑及於雞園觀見如來最初成道於佛音聲悟明四諦

鹿苑雞園皆古帝王養畜之地五人棄佛於此自修佛成道日先尋度之故曰觀見如來最初成道也佛爲五人三轉四諦而陳那先悟成阿羅漢故曰於佛音聲悟明四諦也辰二蒙印命名

佛問比丘我初稱解如來印我名阿若多

初稱解者最先解悟也阿若多此云解名實相乎

解悟第一者也然最先得度亦前因也卷三音圓得証

妙音密圓我於音聲得阿羅漢

妙音密圓者蓋佛以一音演說法衆生隨類各得解當說四諦時實行聲聞但領生滅之旨而妙音密圓徹於無作四諦達於如來藏心陳那密發深解証圓實理若大齊小借小果名位當七信以上并益大証相似永不稱於信名借所齊小果爲名諸經皆然若名實全取則他經以十地爲羅漢而圓人住位全與別地齊平故圓通位亦即是大乘羅

漢此說尤妙後皆放此三結答圓通

佛問圓通如我所證音聲爲上

音聲爲上者此方真教體清淨在音聞是音聞二字皆爲教體聞根乃觀音所証今聲塵是陳那所証蓋於聲教得力發悟者也領佛四諦圓旨尋於名句開悟藏心者也蓋法華開顯之後人天大眾誰不知佛諸大弟子內秘外現皆大菩薩且楞嚴會上無數大人論量圓通豈有實行聲聞不自忖量妄以偏劣淺悟敢自濫齊於大乘圓通乎縱彼狂妄而如來何緣妄許其無有優劣差別乎由是

觀之竝依大乘圓悟無疑而諸不了經皆不必泥也陳邢聲塵已竟

眞二優波色塵分三卯一作禮

陳白

優波尼沙陀卽從座起頂禮佛足而白佛言

卯二陳白之言又分爲三科辰一敘悟色性

我亦觀佛最初成道觀不淨相生大厭離悟諸色性以從不淨白骨微塵歸於虛空空色二無成無學道觀不淨相生大厭離等者因多貪欲佛令作九想觀以對治之卽五停心之一也蓋佛所設觀門有

共不共此大小乘共用之法且根之利鈍與煩惱

輕重錯落四句此屬根利而煩惱重者由以圓根而多貪色慾故觀不淨以對治時仍發圓悟卽長水所謂因觀色塵本如來藏也以從下超畧九想觀耳空色二無者病愈藥除相無不盡也無學準前辰二蒙印命名

如來印我名尼沙陀

溫陵曰優波尼沙陀此翻近少亦云塵性謂微塵是色之少分也辰三色圓得果

塵色旣盡妙色密圓我從色相得阿羅漢

前言空色二無但是相盡此言塵色旣盡妙色密

圓相盡性現也然仍稱妙色者則色仍不壞而普觀諸色皆卽如來藏心周徧法界也羅漢準前可知耶三結答圓通

佛問圓通如我所證色因爲上

以觀色爲入圓之因也優波色塵已竟竟三香嚴香塵分三耶一作禮陳白

香嚴童子卽從座起頂禮佛足而白佛言

耶二陳白之言分三底一敘悟香塵又三耶一因觀有爲

我聞如來教我諦觀諸有爲相

諦觀者審實而觀也諸有爲相解現前偈謂根塵識等也耶二靜處聞香

我時辭佛宴晦清齋見諸比丘燒沉水香香氣寂然來入鼻中

櫓李曰晏安息也晦冥寂也清淨之室謂之清齋○香乃有爲中一法寂然者無相也耶三卽香發明

我觀此氣非木非空非烟非火去無所著來無所從由是意銷發明無漏

吳興曰凡言性空必推四性今當以木爲自烟火

爲他和合爲共空爲無因此似衍門觀幻有卽空由之相○此觀四性達香塵生體了不可得而香之相盡其義頗通準佛破法如云徒木無火不香故曰非木香氣不同空性故曰非空燒於別物不香故曰非煙非火也香體旣不可得故去無所著而來無所從由是意銷者入無分別也發明無漏者達熾然香體卽如來藏心也〔二〕蒙印命名

如來印我得香嚴號

〔三〕三香圓得果

塵氣倏滅妙香密圓我從香嚴得阿羅漢

香嚴以妙香莊嚴法身也塵氣互句亦相盡性現也羅漢準上〔四〕三結答圓通

佛問圓通如我所證香嚴爲上

此與跋陀雖酷似宗門悟處而尚多假於分別以爲入處宗家未必若是多惟功夫極則觸處洞然而已然彼於悟後見諦雖同而証之淺深隨於宿根實不可定而此之諸聖洞見藏心亦無不同而初心証位定在七信以上通於初住是證亦同也不然則不可同語圓通位矣後皆放此香嚴香塵已竟〔五〕四藥王味塵分三卯一作禮陳白

藥王藥上二法王子并在會中五百梵天卽從座起
頂禮佛足而白佛言

五百梵天同行眷屬也

〔印〕二陳白之言又分三

辰

我無始劫爲世良醫口中嘗此娑婆世界草木金石
名數凡有十萬八千

〔印〕二備達藥性

如是悉知苦酢鹹淡甘辛等味并諸和合俱生變異
是令是熱有毒無毒悉能徧知

孤山曰衆味共成名和合直爾采用名俱生修鍊

炮炙名變異

〔印〕三卽味開悟

承事如來了知味性非空非有非卽身心非離身心
分別味因從是開悟

舌與藥觸熾然味現故非空雖觸舌現實無形相
故非有又味是不可見有對色以有對故非空以
不見故非有也身卽舌也心卽舌識也諸藥不來
則舌與識不自現於苦等故非卽身心舌識不嘗
諸藥豈能自現苦等故非離身心分別味因一
追究味因何有從是開悟者忽爾悟得熾然諸味
元不從於諸藥及與身心本如來藏真如性也

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

二蒙印命名

蒙佛如來印我昆季藥王藥上二菩薩名今於會中爲法王子

蒙佛無別號者卽指釋迦塵劫爲其導師也約初發悟時所證菩薩應亦七信以上通於初住也末二句明其今雖高證深位不改初名辰三覺味得果

因味覺明位登菩薩

覺明卽藏心開悟也此仍結其最初方便因味得果而已卯三結答圓通

佛問圓通如我所證味因爲上

藥王味塵已竟寅五跋陀觸塵分三卯一作禮陳白

跋陀婆羅并其同伴十六開士卽從座起頂禮佛足而白佛言

孤山曰跋陀婆羅此云賢守亦云賢護自守護賢德亦守護衆生○開士菩薩別名自開悟而復能開悟衆生者之號也卯二陳白之言又三辰一敘

悟觸塵又三卯一宿因入室

我等先於威音王佛聞法出家於浴僧時隨例入室

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

此卽與常不輕同時增上慢之流也。②二卽觸發悟。

忽悟水因旣不洗塵亦不洗體中間安然得無所有水因者卽水爲導悟之因也此科當勿迷於論觸蓋觸之爲塵以身根而合色塵中間熾然覺其冷煖澁滑者是其相也今因沐浴時以身觸水以水合身中間熾然冷煖觸現由是追究此觸因何而有若言因洗塵垢而有耶則塵本無情何能現觸故經云旣不洗塵者言旣不因洗塵而現觸也若言因洗勝義根之覺體而有耶則覺知之體非洗

可著故經云亦不洗體者言亦不因洗體而現觸也中間者推塵推體兩極中間安然者卽徹悟自在之相也得無所有者達此觸塵杳無來處相盡而性現本如來藏妙真如性也。③三習留今証

宿習無忘乃至今時從佛出家令得無學威音見諦是爲初心今從釋迦証於深位。④二蒙印命名

彼佛名我跋陀婆羅

三觸明得果

妙觸宣明成佛子住

卽觸塵而悟入藏性所謂妙觸宣明也佛子住卽是證於初住位也

卯三結答圓通

佛問圓通如我所證觸因爲上

跋陀觸塵已竟

寅

六迦葉法塵又分爲三

卯

一作

禮陳白

摩訶迦葉及紫金光比丘尼等卽從座起頂禮佛足而白佛言

摩訶迦葉云大飲光檢三迦葉尼等自明

卯

二陳

白之言分三辰一敘悟法塵又三巳一宿因感報我於往劫於此界中有佛出世名日月燈我得親近

聞法修學佛滅度後供養舍利然燈續明以紫光金塗佛形像自爾以來世世生生身常圓滿紫金光聚以然燈塗佛二種勝因故感歷劫紫金身光袒承

呑日巳二兼同眷屬

此紫金光比丘尼等卽我眷屬同時發心

尼兼身同餘惟果同巳三觀法得果

我觀世間六塵變壞惟以空寂修於滅盡身心乃能度百千劫猶如彈指我以空法成阿羅漢

觀六塵者正觀法塵爲總前五爲別蓋觀前五塵謝落影子兼總別而稱六也變壞者蓋法塵托意

識暫現卽過刹那刹那念念生滅厭此變壞加修空觀入滅盡定此定能滅意根空法塵也定深故能度劫甚久同暫溫陵謂今在雞足山待彌勒入此定也我以空法者觀破法塵相盡性現悟入藏心矣羅漢準前庚二蒙佛印可

世尊說我頭陀爲最

溫陵曰頭陀新云杜多此翻抖擣以能抖擣法塵爲號也辰三法明滅漏

妙法開明銷滅諸漏

法融藏心故妙開明藏心旣入永無漏落故言銷

滅果之實也卯三結答圓通

佛問圓通如我所證法因爲上

六塵圓通已竟丑二五根圓通六根缺一者留耳根爲殿後所以當此方之機也參詳五根四中俱有旋反字面以根性法門均是旋根脫塵之旨塵識不然細玩可見就分爲五科寅一那律眼根分

三卯一作禮陳白

阿那律陀卽從座起頂禮佛足而白佛言

長水曰那律卽阿鞞樓馱此云無貪亦云如意乃白飯王子也過去世以一食施辟支感九十一劫

受如意樂那二陳白之言分四辰一因訶失目

我初出家常樂睡眠如來訶我爲畜生類我聞佛訶
啼泣自責七日不眠失其雙目

孤山曰增一阿含云佛在給孤園爲衆說法那律
於中眼睡佛說偈訶云咄咄何爲睡螺螄蚌蛤類
一睡一千年不聞佛名字那律於是達曉不眠眼
根便失辰二承示三昧

世尊示我樂見照明金剛三昧

樂見卽旋見忘塵照明卽發本明耀也準耳根圓
通乃是反見見自性之功夫也謂之金剛三昧者

表心眼現前如金剛堅固不可破壞非如肉眼易
破壞也辰三遂得心眼

我不因眼觀見十方精真洞然如觀掌果

不因眼者不因肉眼也精真洞然者卽如來藏心
發本明耀心眼洞開也準耳門應云初於見中入
流忘所所以既寂明暗二相了然不生此則位齊
初果卽應心光漸發如是漸增見所見盡此則位
齊七信四果卽應大發本明徹見十方也然旣同
於圓証則盡見不住乃至寂滅現前亦應齊等也
舊註較量阿含諍分大小皆不必然以佛旣開本

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

均屬內秘凡所修證何法不圓卷四四蒙佛印証
如來印我成阿羅漢

準前那三結答圓通

佛問圓通如我所証旋見循元斯爲第一
旋見卽反見見自性循元卽証入圓通也那律眼
根已竟寅二周利鼻根分三那一作禮陳白
周利槃特迦卽從座起頂禮佛足而白佛言
溫陵曰槃特此云繼道長水曰特迦亦云蛇奴於
路所生那二陳白之言分四庚一因闕誦持

我闕誦持無多聞性最初值佛聞法出家憶持如來

一句伽陀於一百日得前遺後得後遺前

長水曰過去爲大法師秘吝佛法不常教人後感
其愚鈍以宿善故遇佛出家五百比丘同教一偈經
九十日不成○別經有言教誦條帚則得條帚
得帚忘條庚二奉教調息

佛愍我愚教我安居調出入息我時觀息微細窮盡
生住異滅諸行剎那

長水曰佛令數息攝心因而了悟○經雖云調卽
兼數意調者按天台止觀當離風氣喘等而幽綿
自在也數則從一至十或至百而後適數至一良

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

以暗鈍遠因雖本愚痴近緣亦由雜亂故令數息攝住不雜餘緣然數出不數入雙數則病我時下觀息盡詳也得定則微細定深則窮盡四相出息入息皆具初起曰生不斷曰住漸微曰異已斷曰滅諸行卽生等遷流刹那最短一念卽具九十刹那言至微細也調息似六妙門數隨止餘似觀還淨在下科庚三開悟得果

其心豁然得大無礙乃至漏盡成阿羅漢

豁然無礙者卽就鼻息窮盡處豁悟鼻根通於藏性所謂聖性無不通也然藏性澄清萬法朗鑑無

復障隔豈有憶忘乎故曰得大無礙漏盡羅漢並以準前庚四家佛印證

住佛座下印成無學

準前卯三結答圓通

佛問圓通如我所證反息循空斯爲第一

反息循空者只是觀息反歸空滅卽悟入藏性以成圓通果也問鼻以嗅爲用今於旋根而不取反嗅乃取反息何也答嗅性正托於息所謂出息取香入息聞香也但此攝心何須反嗅及其發悟終因息盡故屬鼻根圓通周利鼻根已竟寅三橋梵

舌根分三那一作禮陳白

僑梵鉢提卽從座起頂禮佛足而白佛言

溫陵曰僑梵鉢提此云牛囁牛凡不食亦事虛哨

此人口如牛之哨乃輕美報也那二陳白之言又

分四辰一口業招報

我有口業於過去劫輕美沙門世世生生有牛囁病
見老僧無齒而食笑之說其似牛故世世感生牛
舌常如牛囁口業可畏如此辰二奉教止觀
如來示我一味清淨心地法門我得滅心入三摩地
觀味之知非體非物

此佛本欲教以舌根圓通乃先令其止散入寂後
教其從寂起照觀察嘗性也故此首三句卽先賜
以數珠令其念佛也而謂之一味清淨心地法門
者蓋念佛時止諸雜緣純一淨念故也次二句卽
止散入寂先成念佛三昧也末二句卽後教其從
寂起照觀察嘗味知性非從根體亦非從物味也
良以外味不來根不自嘗故非體舌不觸知物不
自味故非物也當知念佛非但遮謗而遮謗乃餘
益耳辰二超離得果

應念得超世間諸漏內脫身心外遺世界遠離三有

60 1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

木居正月冬王

六月

如鳥出籠離垢銷塵法眼清淨成阿羅漢了達嘗性既不從根又不從味豁然悟其本是藏性然性現如日出漏盡如霜消故諸漏頓盡內脫身心卽解根脫縛也外遺世界卽超越器界也達三有本空方爲遠離更無依正纏縛故如鳥出籠此卽齊於四果七信方同四卷末文所謂根塵識心應念銷落也今言離垢銷塵法眼清淨者卽彼文所謂想相爲塵識情爲垢二俱遠離則汝法眼應時清明也文全相似請詳彼解自知此証非是小乘之果宛然信滿入住矣辰四蒙佛印証

如來親印登無學道

準前卯三結答圓通

佛問圓通如我所證還味旋知斯爲第一

還味旋知者卽反觀嘗味知性悟入藏心也矯梵舌根已竟酉四畢陵身根又分爲三卯一作禮陳白

畢陵伽婆蹉卽從座起頂禮佛足而白佛言

孤山曰名番餘習昔爲婆羅門故餘習多慢如罵河神爲婢非彼實心蓋習氣也卯二陳白之言分五辰一聞談苦諦

我初發心從佛入道數聞如來說諸世間不可樂事
發心卽出家也世間不可樂事卽四諦中苦諦也
如三苦四苦八苦等也(辰)二注思傷足

乞食城中心思法門不覺路中毒刺傷足舉身疼痛
法門卽苦諦也奉教思苦而適遇苦事實發悟之
機也(辰)三研窮身覺又二(巳)一敘述二覺

我念有知知此深痛雖覺覺痛覺清淨心無痛痛覺
首二句敘知痛之妄覺卽身識也次三句敘無痛
之真覺卽身根覺性與見聞同等者也雖覺覺痛
者言據上雖有能覺之心與所覺之痛而身根中

無分別清淨覺心本無所覺之痛與能覺之痛覺
也(巳)二研窮無二

我又思惟如是一身寧有雙覺

雙覺謂知痛之覺與覺清淨心也此起智轉思身
旣是一覺豈有二所謂一則真二則妄也(辰)四入
空得果

攝念未久身心忽空三七日中諸漏虛盡成阿羅漢
攝念者卽惟隨順無痛清淨之真覺而不復隨順
知痛之妄覺也未久之間身心忽空者蓋攝心之
極真純妄絕身心豁然同虛空矣諸漏虛盡者真

覺藏性現前而欲有無明了不可得焉羅漢同前

(辰)五蒙佛印証

得親印記發明無學

無學準前(卯)三結答圓通

佛問圓通如我所證純覺遺身斯爲第一

純覺純一真覺也遺身身心忽空也一遺一純亦

舍旋意矣畢陵身根已竟寅

五空生意根分三卯

一作禮陳白

須菩提卽從座起頂禮佛足而白佛言

(卯)二陳白之言分三(辰)一宿命知空又二(卯)一遠

通宿命不忘

我曠劫來心得無礙自憶受生如恒河沙

心得無礙者卽無隔陰之昏出胎之昧也巳二依

正自他皆空

初在母胎卽知空寂如是乃至十方成空亦令衆生證得空性

首二句正報空也在胎則能隨相受生知空則能

達理不昧空寂者五蘊皆空生體了不可得也次

二句依報空也自母身外洎山河大地悉同空寂

也此卽深心菩薩人法雙空境界以上總屬於自

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

空末二句卽出胎廣化衆生同悟空理空性且作人法二空真如未是顯了藏性以下文方顯了故夫處胎不昧人法雙空自是二乘及初心菩薩皆所不能何況具足二利大乘深位復何疑乎約談初心方便且在十信滿心展二承教証入又爲二

(已)一悟証自果

蒙如來發性覺真空空性圓明得阿羅漢

發者與之發明也性覺真空影性空真覺卽如來藏心清淨本然周徧法界空性圓明卽色空無碍所謂全體圓融大用無限若此而阿羅漢之証於

十地大人復何所歟科言自果對下佛知見言非對衆生也已二同佛知見

頃入如來寶明空海同佛知見

此似超入後心故言頃入寶明空海卽所謂一真法界第一義空又曰畢竟空也此則寂同於佛矣佛知見卽前圓彰三藏所謂大智慧光明義也此則照同於佛矣別經明須菩提乃過去青龍如來觀此則上句似同涅槃下句似同菩提此蓋良由已經如來開顯故自說深心無復隱秘耳顯文明證如此而舊云皆作小宗分別無咎殊不知解深

爲淺抗佛誣聖烏得無罪幸戒之庚三蒙佛印許
印成無學解脫性空我爲無上

小乘証空空縛非真解脫又是三昧非本性空斯
則入法及與俱空一切解脫所証空理乃一真本
有真空不空之性體也我爲無上者窮盡空理更
無加尚也陳白之言竟卯三結答圓通

佛問圓通如我所證諸相入非非所非盡旋法歸無
斯爲第一

諸相所謂我相人相衆生相壽者相及與法相也
非空也諸相入非卽入法雙空也非所非盡者卽
能非與所非俱盡也所非卽上諸相能非卽上諸
非所謂非法相也是卽空所空滅藥病雙除之意
也旋法之法指一心法卽意根中知性非謂法塵
也旋法歸無者卽旋知性歸於畢竟空也永嘉云
有無俱遣不空空又云諸行無常一切空卽是如
來大圓覺此之謂也與耳根圓通較之此多顯體
彼多顯用而宗家悟處雖於諸門徧有而主於此
門者爲尤多良以或明或暗多惟取於知之一字
故也五根圓通已竟辛三六識圓通壬夫經初徵破
戊根本衆生誤認枉入輪迴權小依修竟無實果
何今復可入圓通乎蓋前於識大徧周中已申斯

辯今請重申夫識雖塵影虛妄之極而離一真見
 分無別自體譬如影之於水雖極虛妄而離水無別
 自體但迷執者認識忘真而橫成流轉譬痴人認
 影忘水而誤遭淪溺刊害非細不得不呵也倘悟
 者卽識見真而識非真外圓通何疑如智者觀影
 知水而影非水外尚可得水之用豈遭其淪溺乎
 故此六聖并後彌勒皆能卽識見真故皆証於圓
 通而無碍也宗門云起滅紛紛是何物此之謂也
 問如來何不直令人卽識見真何必呵之而必教
 人依根以入乎答偈云聖性無不通順逆皆方便
 初心入正定遲速不同倫正以塵識皆遲而惟根
 最速故也譬言呵二乘豈是終不成佛但劫經塵點
 遷鈍之極故阿初學勿發是心也就分爲六科圓一鶩子眼識前
 五識有二種難辯一者與前五根混以其難分別
 與意識混以其雖麤畧而隨念分別頗似意識之
 計度故小教不知前五非意識而心法惟一也吳
 興說識率多混濫亦是此迷然則性宗學者當勿
 忽於法相可也今請畧明眼識之相餘四準知如
 眼照境時一念不動但如鏡中無別分析此眼根
 之見性也於中用目循歷黑白大小多少善惡等
 相歷然不混此不帶名言隨念麤畧分別卽眼識
 也由是次第標指追究分析無量差別此徧執名
 言計度詳細分別卽眼家俱意識也又名明了意
 識今但取於第二眼識而根性與俱意俱不得混

60 1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

80

1 2 3 4 5 6 7 8 9

80

1 2 3 4 5 6 7 8 9

80

1 2 3 4 5 6 7 8 9

80

1 2 3 4 5 6 7 8 9

80

1 2 3 4 5 6 7 8 9

80

1 2 3 4 5 6 7 8 9

80

1 2 3 4 5 6 7 8 9

80

1 2 3 4 5 6 7 8 9

80

濫之分三那一作禮陳白

舍利弗卽從座起頂禮佛足而白佛言

那二陳白之言又分爲三科庚一眼識夙利

我曠劫來心見清淨如是受生如恒河沙世出世間種種變化一見則通獲無障礙

此亦敘多生眼識久利也心見卽眼識清淨卽無障礙世出世間卽一切凡聖境界種種變化卽差別幻妄如事業法門因果等相一見二句謂不勞多力惟眼識隨念麤畧分別卽表裏洞徹此正顯其是眼識利也庚二逢教增悟

我於路中逢迦葉波兄弟相逐宣說因緣悟心無際此迦葉卽兄弟三人者名現目連通中別經謂逢馬勝者但取則師所云宜非一人彼此互出是也因緣當依上乘圓義而解如佛偈云因緣所生法我說卽是空亦名爲假名亦名中道義此四句依次卽藏通別圓四教或每教俱該四句而鶩子所解決徹圓理故悟藏心周徧法界也庚三從佛高証

從佛出家見覺明圓得大無畏成阿羅漢爲佛長子從佛口生從法化生

見覺卽眼識明圓卽證極得大無畏卽說法具四無所畏以見之徹故說之無歎耳羅漢準前身子智慧第一聲德居長故稱長子從是而知身子智慧皆眼識利也次二句卽釋成長子亦檢別於羅候聞佛說而悟法身故云從佛口生在教法中長養聖胎由是法身從微而著故曰從法化生別經言身子乃過去金龍如來則知七日達法半月証果皆示現而已總非真實何必諍其從人聞法之殊^卯三結答圓通

佛問圓通如我所證心見發光光極知見斯爲第一

心見發光卽眼識證徹也同於靜極光通達光極知見同於寂照舍虛空其朗鑑萬法之勝用可以知其源矣鶯子眼識已竟^寅二普賢耳識分三^卯一作禮陳白

普賢菩薩卽從座起頂禮佛足而白佛言

構李曰行彌法界曰普位隣極聖曰賢此非地前乃金剛喻定居衆伏頂名之爲賢○與文殊皆古佛影響大鈔中名位義多今但從要^卯二陳白之言分三^辰一輔化垂範
我已曾與恒沙如來爲法王子十方如來教其弟子

菩薩根者修普賢行從我立名

紹佛家業故爲法王之子菩薩根者圓頓根也普賢行卽十願王舉一色一香俱周法界者也沙界十方凡修普賢行者皆從立名可謂垂範之極矣

(威)二耳識鑒機

世尊我用心聞分別衆生所有知見

溫陵曰心聞耳識也分別衆生知見者擇普賢行而成就之

(◎三普護行人

若於他方恒沙界外有一衆生心中發明普賢行者我於爾時乘六牙象分身百千皆至其處縱彼障深未得見我我於其人暗中摩頂擁護安慰令其成就有一衆生者極言其不遺一人非謂止論一衆也界以沙記則界中衆生益無量無數分身百千極言其多非局數也先於障輕者顯然加被次於縱彼下弁言障重者冥中加被也末二句雙承冥顯二加言擁護令無魔障而速開發也安慰令無退墮而益精進也成就者淺位則普賢根成深位則等覺行成

(◎三結答圓通

佛問圓通我說本因心聞發明分別自在斯爲第一雖古佛久証而亦有最初本因故表其元從耳識

而入也惟用耳識隨念分別普照羣機得大自在
也普賢耳識已竟四三孫陀鼻識分三四一作禮
陳白

孫陀羅難陀卽從座起頂禮佛足而白佛言

四二陳白之言又分爲四科五一出家心散

我初出家從佛入道雖具戒律於三摩地心常散動
未獲無漏

定心不成難以破惑故未剋果四二奉教觀鼻

世尊教我及拘緜羅觀鼻端白

拘緜羅共稟鼻識法門同行者也鼻端卽鼻尖也

白乃注目諦觀鼻尖微有白相也因其散亂心多
不成三昧教其惟觀此白住心不散三從鼻悟
証又二四一初見息烟而悟徹

我初諦觀經三七日見鼻中氣出入如烟身心內明
圓洞世界徧成虛淨猶如琉璃烟相漸銷鼻息成白
溫陵曰息由風火而起鼓煩惱濁故其狀如烟昧
者不覺惟諦觀能見六爻見火燒息能爲黑烟紫
焰皆煩惱所發也淨觀發明則煩惱漸消故內明
外虛而烟消成白○身心下卽定成之相上二句
分言內外各明卽內徹五臟外徹大千次二句總

言明透而喻以琉璃末二句黑烟變白驗知煩惱銷也(巴)二次化息光而証果

心開漏盡諸出入息化爲光明照十方界得阿羅漢首句卽藏心顯現煩惱無餘已轉煩惱而成菩提故息化爲光合心境而一如故照十方界(辰)四蒙佛授記

世尊記我當得菩提

卽當來成佛也(卯)三結答圓通

佛問圓通我以銷息息久發明圓滅漏斯爲第一此亦不取喚香時鼻識分別而但取觀息之意準

前鼻根可知餘皆意在上文可了孫陀鼻識已竟

(寅)四滿慈舌識分三(卯)一作禮陳白

富樓那彌多羅尼子卽從座起頂禮佛足而白佛言

(卯)二陳白之言分三(辰)一宿辯說法此科先敘曠劫諸佛會下之事同法華經又二(巳)一久弘權實我曠劫來辯才無礙宣說甚深達實相

辯才卽四無礙苦空二乘權義實相一乘實義(巳)

二廣衍微妙

如是乃至恒沙如來秘密法門我於衆中微妙開示得無所畏

乃至者從一佛法藏乃至無量諸佛法藏秘密者盡其深玄也微妙者極其善巧也無畏者亦卽四無所畏也(尾)二承教得果此科下方敘本尊釋迦會中之事又分二(巳)一承教音輪

世尊知我有大辯才以音聲輪教我發揚

知有大辯者卽知前科曠劫大本也溫陵曰佛以身口意三輪應物無滯音聲卽口輪也○佛因材而篤復授以如來音輪益以輔揚大教所謂矢上加尖也(巳)二輔化得果

我於佛前助佛轉輪因師子吼成阿羅漢

助輪則上輔佛教師吼則下化衆生皆顯利他而成阿羅漢亦顯其不失自利據前自敘及法華佛敘其大本莫測豈止十地今就敘述圓通其果位且同衆例(尾)二蒙佛印許

世尊印我說法無上

此惟證其說法第一如法華經所敘是也(卯)三結

答圓通

佛問圓通我以法音降伏魔冤銷滅諸漏斯爲第一魔冤應通內外內則心魔冤尤因說破而除滅外則天魔冤害因顯發而退藏銷漏卽入圓通也問

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

此何不取別味而獨取於說法乎答二俱舌識功能而說法爲勝故偏取之然說法似須意識深細

分別而今獨用舌識亦見說法自在但用隨念不勞計度而發無不盡也滿慈舌識已竟寅五波離

身識分三卯一作禮陳白

優波離卽從座起頂禮佛足而白佛言

孤山曰優波離云上首以持律爲衆綱紀故或云近執佛爲太子彼爲親近執事臣故卯二陳白之

言分三辰一親見成佛

我親隨佛逾城出家親觀如來六年勤苦親見如來

降伏諸魔制諸外道解脫世間貪欲諸漏

先言貪欲者首舉欲漏也復言諸漏者據畧有漏及無明漏等耳此但初敘來由尚未干於身識也

庚二秉戒得果

承佛教戒如是乃至三千威儀八萬微細性業遮業悉皆清淨身心寂滅成阿羅漢

承佛教戒卽授二百五十條聲聞戒也如是下卽菩薩戒人知波離位居聲聞但秉麤戒今自敘乃極至菩薩八萬微細戒品足知是大菩薩示現也溫陵曰行住坐卧律儀各二百五十對三聚成三

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

千復以三千配身口七支成二萬一千復配四分煩惱成八萬四千○三聚者謂攝善法攝律儀攝衆生也四分煩惱謂多貪多嗔多痴及等分也性業者謂所戒之法體性卽惡如殺盜淫等也遮業謂所戒之法體性非惡但能開諸惡門爲前方便故止絕以遮諸惡如酒等是也末二句雖言所証之果而單戒豈能剋果當知身心寂滅卽因戒所生之定成阿羅漢卽因定所生之慧約外現卽滅盡定與人空慧約內秘卽楞嚴大定與圓通慧而羅漢亦準前矣庚三蒙佛印許

我是如來衆中綱紀親印我心持戒修身衆推無上此印與名相乎爲衆綱紀者實用稽察持犯功過也印心者印其持戒修身之清淨心也末句正明其爲衆上首也卯三結答圓通

佛問圓通我以執身身得自在次第執心心得通達然後身心一切通利斯爲第一

初且執身者蓋因身犯尚多不暇細究心品也自在者卽無毀犯也次第執心者蓋因身已無犯不勞檢制然後細檢心品以至八萬也通達者當依圓師作所發之定慧無差以末二句卽當歸結身

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

識圓通故通利二字卽是從身識而証入圓通之境也本文制身制心元無分於大小且不必辯至經後臨文再當辯之間此何不取覺觸之用而但取持戒功能答此亦以覺觸之用劣於持戒故爾也波離身識已竟〔四〕六目連意識分三〔四〕一作禮陳白

大目犍連卽從座起頂禮佛足而白佛言

〔四〕二陳白之言又分爲三〔五〕一遇教發心

我初於路乞食逢遇優樓頻螺伽耶那提三迦葉波宣說如來因緣深義我頓發心得大通達

孤山曰優樓頻螺此云木瓜窿胸前有瘞如木瓜故伽耶山名卽象頭山也亦云城城近此山故兄弟三人故身子云逢迦葉波兄弟卽其人也溫陵曰因緣深義謂非世間和合麤相○亦當準前身子圓通中卽彼圓義也發心卽意識圓通大通達卽至圓通境也問前言意識起滅無端今言圓通何以致然答了見意識起於藏心離藏心無別意識由是卽入藏心而圓證也〔五〕二蒙度証通如來惠我袈裟著身鬚髮自落我遊十方得無罣礙神通發明推爲無上成阿羅漢

首三句度之爲僧下五句證之成果著身自落皆
佛神力隨言成就也我遊二句神境通也次二句
總言神通第一也上科已得意識圓通之體此四
句大發意識圓通之用証果準上辰三諸佛印許
寧惟世尊十方如來歎我神力圓明清淨自在無畏
首句明不惟釋迦印其神通第一次四句明諸佛
同許也全發性真故圓明遠離依業故清淨無不
如意故自在無能摧制故無畏卯三結答圓通
佛問圓通我以旋湛心光發宣如澄濁流久成清瑩
斯爲第一

溫陵曰旋湛者旋意識而復妙湛也○卽轉意識
而證如來藏心耳心光發宣卽發神通妙用也次
二句復以喻明也清瑩者水澄而萬象影現也澄
濁喻旋意識久清喻發神通問此何不取緣慮法
塵之用答作意運通正緣法塵之妙用也六識圓
通已竟寅四七大圓通前五大卽塵後二大卽識
與根雖不出前根塵識三而特具用徧廣大之象
故別得大名就分爲七寅一烏芻火大分爲三科

卯一作禮陳白

烏芻瑟摩於如來前合掌頂禮佛之雙足而白佛言

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

溫陵曰烏芻瑟摩此云火頭卽火頭金剛_卯二陳白之言又三_辰一因欲得觀又二_巳一宿生多欲我常先憶久遠劫前性多貪欲

欲卽淫欲諸聖遠劫俱有枉凡實因不可作別端廻互而釋_乙二遇佛授觀

有佛出世名曰空王說多婬人成猛火聚教我偏觀百骸四支諸冷煖氣

溫陵曰多婬之人本由煖觸迫發生爲欲火死爲業火業力增熾故成猛火聚也○教我下卽令觀身火大也末句冷字譯文誤耳應云諸煖觸氣方成得名

順火大而且合結文益多婬之人旣火大增熾而業火將起故令偏觀百骸四支中火大先欲其知懼而頓息淫心然後將錯就錯可成妙觀_辰二觀

成得名

神光內凝化多婬心成智慧火從是諸佛皆呼召我名爲火頭

禪觀中偏見身中惟一火聚旣怖且厭而遠離欲念然火雖熱腦而體具光明今婬心息而無復熱_庚腦惟見光明卽智慧火故曰神光內凝等也末三句雖表得名亦顯其爲諸佛同印許矣_辰三証果

發心

我以火光三昧力故成阿羅漢心發大願諸佛成道
我爲力士親伏魔冤

住火光三昧者徧十方界惟一火光從此三昧成
阿羅漢者由此正受發如來藏性火眞空性空真
火成因地心証七信以去入於住位也末三句發
心護法者良以火光三昧雖是內境能現外相溫
陵曰佛陀本傳云師入火光定其室如焚○近世
亦有梵僧至京師住是三昧人於夜見火光滿寺
遠近奔救足知威力能怖魔冤⑩三結答圓通

佛問圓通我以諦觀身心暖觸無礙流通諸漏既銷
生大寶談登無上覺斯爲第一

觀百骸四支中火大卽是觀身察其皆由婬心熾
盛所發卽是觀心暖觸總目火大也婬心已息而
不成業火故無礙也神光智火融於藏心周徧法
界故流通漏銷者以智慧火燒煩惱薪何所不盡
生大寶談者火大圓通之妙用摧魔護法無量威
力也登無上覺則顯明大本齊佛而示居輔化之
位矣大抵諸聖德位相伴而迹有權實言有隱顯
學者當畧迹取本得意忘言不可妄分大小而岳

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

師必待如此文明說方成半許何執泥之深乎且解中爲一冷字所誤平釋四大觸塵濫五圓通安有此理火大圓通已竟寅二持地地大分爲三科

◎一作禮陳白

持地菩薩卽從座起頂禮佛足而白佛言

先平外地因了心地遂持本悟圓証藏心故名持地◎二陳白之言又三庚一積平地行此科全敍平外地也又分爲二◎一正取平地之行又三壬一從古佛世

我念往昔普光如來出現於世

◎二出家平地

我爲比丘常於一切要路津口田地險隘有不如法妨損車馬我皆平填或作橋梁或負沙土
要路指陸地言衆所必由之路也津口指水處言卽渡頭也田地不取種植但重行路俯仰高深曰險左右迫狹曰隘不如法者不寬平也隘則必妨險則多損高則平之下則填之橋梁以利津口沙石以治要路◎三經多佛世

如是勤苦經無量佛出現於世

正取平地之行一科已竟◎二兼敍効力之行又

60 1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

分三①一 豐時全捨

或有衆生於闍門處要人擎物我先爲擎至其所詣放物卽行不取其直

闍門也闍市門也詣往也不取其直不受顧價
益別希勝報不邪命活也②二饑年節取

毗舍浮佛現在世時世多饑荒我爲負人無問遠近
惟取一錢

吳興曰毗舍浮此云徧一切自在○意以饑世乞
食則難畧取存命不多貪也③三神力拔苦
或有車牛被於泥溺我有神力爲其推輪拔其苦惱

願行所在而助以積劫福報故感具神力遂其願
行耳積平地行已竟居二蒙平心教夫平地之行
志在普利效力之行不檢親疎其心亦久平矣何
至此而方蒙平心之教乎蓋前屬事相平心未能
悟理今令悟知內心外地本惟一體故惟務平心
不分情器則境隨心轉無有不平較前豈不天淵
乎又分二④一因平地待佛

時國大王延佛設齋我於爾時平地待佛
平心之教

毗舍如來摩頂謂我當平心地則世界地一切皆平
 摩頂者憫其事行久勞攝受加持令其歸理也平
 心地者通達有情無情俱爲一體正報依報無分
 自他乃至凡聖因果等一切皆如是也世界地平
 者外由內感物隨心變也天台云心分垢淨見兩
 土之升沉故知娑婆心險感陵谷之高深極樂心
 平致地平之如掌此其驗也故如來因其惟務平
 地而特教平心令知要也次三權實雙證因其文
 中有廻心故知由權入實以漸而入蓋不定性中
 聲聞菩薩不定者也良由多劫願行便主利人非

純求自利之輩分二次一悟取權乘先取小果也

次又三次一悟内外地同

我卽心開見身微塵與造世界所有微塵等無差別
 此之心開便與聲聞不同既達地大平等非惟不
 復執身爲我亦將達法唯心矣次二於諸觸自枉
 微塵自性不相觸摩乃至刀兵亦無所觸

此卽分達法空知微塵自性空無所有則知能觸
 地大與所觸地大一切皆然故刀兵爲外地大身
 爲內地大以身觸刀如斬光截影了無所傷也肇
 法師云將身臨白刃猶若斬春風彼但証性無傷

六祖延頸刺客三揮利刃俱如斬影是也④三悟無生証果

我於法性悟無生忍成阿羅漢

此無生忍且取生空達蘊中畢竟無我也譬如打鐵驪姤先落耳以分達法空時尚悟地大了不得況地大中我豈不速空乎此阿羅漢實証四果悟取權乘竟⑤二廻証知見

廻心今入菩薩位中聞諸如來宣妙蓮花佛知見地我先證明而爲上首

蓋雖暫取生空而利人習性惟樂菩薩願行是以

速卽廻心也言今入者蓋指賢劫爲今未必獨指釋迦會中蓋曠劫爲事行菩薩至莊嚴劫尾方斷見思成阿羅漢賢劫初卽廻向真乘諸如來意指賢劫四佛及十方現在如來也法華會上聞知見地者蓋法華知見卽此經如來藏性悟此爲地所謂一乘寂滅場地首先證明者由其從凡入聖自權向實皆持地大爲起行入理之門而今復聞此究竟性地機緣契合是以爲法華證明上首也⑥

三結答圓通

佛問圓通我以諦觀身界二塵等無差別本如來藏

虛妄發塵塵銷智圓成無上道斯爲第一

此備敘前悟而已二塵卽内外二地大也虛妄發塵者蓋悟地大相妄而其性但是如來藏性循業妄現而已人知持地爲法華上首而不知如來知見契彼究竟地大此經方以顯其大本矣塵銷智圓者相盡性現理智一如也成無上道者已入最上一乘之知見也持地地大已竟圓三月光水大分三即一作禮陳白

月光童子卽從座起頂禮佛足而白佛言

童子乃菩薩別名表童真德也

世人卽作幼童想如塑畫善財是

也又儒者聞大權經說孔子爲定光童子則怒其甲小不知文殊爲釋迦九世師祖而亦稱童子何有甲小之意乎月爲水摩尼所成故號月光即二陳白之言又三医一古佛授觀

我憶往昔恒河沙劫有佛出世名爲水天教諸菩薩修習水觀入三摩地

水天者證水大徹於性天也或此佛亦從此大入圓或佛具萬德而但觀時機當從此入故示號與觀相應耳末三句總示所授觀法其詳在下修習中當自見之展二依觀父修又二即一習觀初後初身後界以漸而入觀之序也分二即一初觀身

中

卷三

觀於身中水性無奪初從滌唾如是窮盡津液精血
大小便利身中旋復水性一同

首二句總一畧標無奪二字作不相乖異釋之與
下一同二字相爲呴應初從以下釋成無奪之意
滌唾便利近外水相浸液精血涉內水相由外及
內自內而外故曰身中旋復又滌唾津液水之清
相精血便利水之濁相清濁雖異水性無別故曰
水性一同卽無奪之謂也然發解入觀必始身中
者欲其深觀成時則我法二執俱空①二後合界

外

見水身中與世界外浮幢王刹諸香水海等無差別
觀內旣熟引伸外廣資中曰準華嚴經華藏海中
有大蓮華其蓮華中有諸香水一一香水海爲諸
佛刹世界之種華藏世界在香水中故云浮幢王
刹華藏二十重累高如幢最爲高大故稱王今觀
身水與彼海同故曰浮幢王刹諸香水海也○須
更知華藏是總一大香水海其大蓮華是總蓮華
擎二十重刹種每重世界皆以刹塵增數紀之今

觀水大惟論於海幢刹但帶言耳卽此觀境大不思議誠非凡小權乘可及然充擴至此者欲其深觀成時則了達性水真空云乃至周徧法界則我法二空不待言矣(已)二觀成淺深上方領旨習觀此科乃觀成之相然先淺後深亦成之序也就分二(午)一初成未得忘身二(未)一標身未忘我於是時初成此觀但見其水未得無身

是時卽初授習時成此觀者卽成身中水性一同之觀也但見其水者蓋入定之時不見一物但見湛水徧十方界此句便是觀成之相末句正表初

成尚淺未至空身也(未)二卽事以證證其尚爲身累也又三(申)一定中現水

當爲比丘室中安禪我有弟子窺窓觀室惟見清水徧在室中了無所見

首句時也次句卽作水觀入正受也滿室現水資中謂爲定果色然此色係獨影境惟自見之而前之火觀今之水觀皆能令他人見之亦觀力殊勝不思議境也(未)二投物心痛又二(酉)一正敍痛由童稚無知取一瓦礫投於水內激水作聲顧盼而去我出定後頓覺心痛如舍利弗遭違害鬼

舍利弗水邊入定由宿冤故被違害鬼一掌出定頭痛今出定心痛故言同彼西二無知起惑我自思惟今我已得阿羅漢道久離病緣云何今日忽生心痛將無退失

欲知羅漢有病無病當明子果二縛夫宿種今種應召來果而尚未受身者謂之子縛宿種所召今已受身卽身應受謂之果縛若實行聲聞新証四果已將子縛斷盡不受後有然現身尚未灰滅則果縛猶存所有病苦卽身應受故舍利頭痛畢陵眼痛皆斯類也問前言舍利古佛豈有果縛答旣

示同實行但依實行論耳若入滅後悲願再來則二縛俱無更無實病苦矣今此菩薩久証再來正同此類故起斯疑申三除去如初如初謂無痛也分四西一童子具陳

爾時童子捷來我前說如上事申外空無二無限
捷速也西二教以除去瓦礫

我則告言汝更見水可卽開門入此水中除去瓦礫西三復見依除

童子奉教後入定時還復見水瓦礫宛然開門除去

西四出定無恙

60 1 2 3 4 5 6 7 8 9 70 1 2 3 4 5 6 7 8 9

70 1 2 3 4 5 6 7 8 9 80 1 2 3 4 5 6 7 8 9

我後出定身質如初

溫陵曰漢州綿竹縣水觀和尚迹同月光印二後

方亾身合界

逢無量佛如是至於山海自在通王如來方得亾身
與十方界諸香水海性合真空無二無別

逢無量佛則所經多劫可知住於淺定經時甚久
而上敍久得羅漢則知羅漢果位雖具神通而受
身不免身累且在定痴暗進退遲鈍悉可見矣如
是乃至下明深觀方成之時也亾身合界真空無
二者觀境極深且大性合真空所謂性水真空性

空真水周徧法界回視此身如巨海一漚豈不易
忘而得自在乎夫論觀行位中淺觀深觀皆難定
於果位今約前淺觀已言久証羅漢則斯深觀成
時合是超過七信而證於初住圓通之境大抵詳
此菩薩亦是先權後實以漸次而入者也後三今
証菩薩

今於如來得童真名預菩薩會

如來指釋迦預在也菩薩會蓋是深位非前信住
可局也印三結答圓通

佛問圓通我以水性一味流通得無生忍圓滿菩提

斯爲第一

一味卽身中水性一同流通卽界外刹海無二得
無生忍卽性合眞空是因地心圓滿菩提卽証徹
法界是果地証也似與佛位齊矣月光水大已竟
眞四琉璃風大又分三一作禮一作禮陳白

琉璃光法王子卽從座起頂禮佛足而白佛言
取後所悟洞徹得琉璃號那二陳白之言又三展
一古佛示觀又分爲三一一標遠劫佛名

我憶往昔經恒沙劫有佛出世名無量聲

聲乃臍輪風起鼓之而出此亦名合風大二示

能觀本智

開示菩薩本覺妙明

本覺妙明具含三德本覺卽法身妙卽解脫明卽
般若據此科但是本智望下科所觀故此作能觀
爲發照之源也三示所觀風力

觀此世界及衆生身皆是妄緣風力所轉

此科尚是佛所示觀總言依正皆屬風力所轉詳
在下科別示妄緣二字發風之端人知世間有風
不知妄心緣動所感所謂搖明風出是也二觀
破羣動卽從本覺妙明發照而觀故此爲所觀之

妄境也又三(已)一歷觀動同我於爾時觀界安立觀世動時觀身動止觀心動念諸動無二等無差別

吳興曰界爲方位故安立世爲遷流故動時○界之安立風輪執持時之遷流風氣宣使身之動靜風力所轉心之動念風起之源諸動總該界等無有差別原歸上文通一風力(已)二了動虛妄我時了覺此羣動性來無所從去無所至十方微塵顛倒衆生同一虛妄

首四句自覺妄也來無二句同空華也若實有從

有至卽非虛妄末三句覺他同妄也十方微塵者且舉廣多衆生同一妄也(已)三閱世喻狂

如是乃至三千大千一世界內所有衆生如一器中貯百蚊蚋蟻蟍亂鳴於分寸中鼓發狂鬧

上科是法此科是喻如是乃至者擴充極盡之辭三千下盡一世界喻意有二一喻其小而非大二喻其妄而非真良由以本覺妙明爲體故空生大覺如海一漚極大成小也微塵國土漚滅本無諸有虛妄也觀心境同但偏風大耳觀破羣動已竟

(庚)三頓證徹悟上科總是觀行此科是彼觀行所

証也又三已一逢佛速証

逢佛未幾得無生忍。

逢佛卽逢無量聲如來也未幾明取証之速也旣了來無所從去無所至萬法當體皆無生滅卽本覺體故速入無生忍位矣乙二心開事佛爾時心開乃見東方不動佛國爲法王子事十方佛已悟無生故本覺心開見動中不動而親於東方不動如來爲法王子乃至徧事克肖諸佛巳三身心無礙

身心發光洞徹無礙

此得名之由也了妄身心皆屬風力見法身真心洞徹如淨琉璃也卯三結答圓通

佛問圓通我以觀察風力無依悟菩提心入三摩地合十方佛傳一妙心斯爲第一

觀察風力了妄也悟菩提心達真也入三摩地證圓通也合十方佛同佛果也傳一妙心化衆生也妙心卽性空真風性風真空心也琉璃風大已竟

寅五空藏空大分三卯一作禮陳白

虛空藏菩薩卽從座起頂禮佛足而白佛言

卯二陳白之言又三辰一標同佛証

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

我與如來定光佛所得無邊身

無邊身卽佛十身中虛空身也與法雖無異體而
義相須別法身離一切相而偏融一切此虛空身
帶目前空一顯色而偏融空大清涼云混虛空爲
體性是也此科畧以標盡下乃詳明辰二詳明神
力由後文總結云此大神力故取爲科名亦明所
證無邊身相非同凡小所取頑斷沉冥無用之境
也又二巳一空色無礙又爲二壬一會色歸空

爾時手執四大寶珠照明十方微塵佛刹化成虛空
四大寶珠舊註誤因後文四大無依之句而斷四

大二字作地水火風卽以此爲四珠不知四大是
所觀之境須取能觀之智方有珠義按華嚴取海
中有四寶珠能消海水喻菩薩有四智珠以消散
善法愛等性海中波浪也今此約照空塵刹之智
應是人空法空俱空真空四珠也當以大寶二字
連珠字讀之大者表其稱性洪廣寶者彰其利用
可珍也手執者明授持有自也然前三破迷第四
證體下十方塵刹方是統言四大成空也塵刹具
足依正卽内外四大也虛空兼含遮表遮謂遮惑
空無表謂表性空淨問所表真性何亦言空答妄

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

盡真純成第一義空所謂彌滿清淨中不容他非謂真體亦斷滅也

卷二融空卽色

又於自心現大圓鏡內放十種微妙寶光流灌十方盡虛空際

此科於三大中次得相大証般若德如珠之光亦如將前淨金成諸妙相也大圓鏡卽大圓鏡智內放十光者從一鏡智而現十智同真如華嚴三世智乃至知無邊諸佛智或卽十力亦可以十力元卽十智況經明言神力問與前四智何別答前屬趨體智此屬起用智而大圓鏡乃總智體也灌十

方空者照十法界窮極空理悉成嚴妙所謂大智慧光明徧一切處矣(甲)二依正無得此科於三大中後得用大証解脫德如珠之影亦如將前金相種種運用成妙莊嚴也問前言十智已屬起用與此何別答十智雙屬體用望上科真空之體乃爲照用望此科運爲之用復爲照體又與此科並稱爲用亦無不可蓋彼是鑑照之用了因所成如燈照物也此是辦事之用緣因所成如燈下作爲也

分二(甲)一攝刹入身

諸幢王刹來入鏡內涉入我身身同虛空不相妨礙

首三句刹入身也圓鏡智卽稱法身智體故能攝諸刹海悉入其中由理攝故事亦能攝故下言涉入我身此身卽色身所謂菩薩於一毛孔中不可說刹次第人也末二句身包刹也所謂毛孔能受彼諸刹諸刹不能徧毛孔也一毛尚然況全身乎極小同大優有餘地故不妨礙也總顯能包之用

④二分身入刹

身能善入微塵國土廣行佛事得大隨順上科雖有入有包而獨顯身之能包此科更顯身之能徧也所謂無刹不現身也於一一刹隨機普

應現十法界身雲彌滿無盡也廣行佛事者於一身上弘下化徧行無量諸利益事也得隨順意兼自他隨自卽如意神通得大自在隨他卽恒順衆生無量機緣也詳明神力已竟庚三總由觀空此大神力由我諦觀四大無依妄想生滅虛空無二佛國本同於同發明得無生忍

神力總收上會色融空攝刹分身四科也由我下出神力之本蓋凡外小乘執四大心外實有成大障礙此菩薩觀四大離自心性無體可得故曰無依妄想生滅者所謂諸法不牢固常在於念中念

起似有念息全無也虛空無二者言四大既同虛空虛空豈有差別佛國本同者蓋四大爲能成佛刹爲所成四大既空無二相佛刹亦平等皆空所謂虛空爲同同卽空也於同發明者卽悟性覺真空性空真覺清淨本然周徧法界也末句卽寂滅現前入圓通境也

那

三結答圓通

佛問圓通我以觀察虛空無邊入三摩地妙力圓明斯爲第一

我以三句卽空色無礙科妙力圓明卽依正無礙科圓通極境也空藏空大已竟

圓

六彌勒識大分

三那 一作禮陳白

彌勒菩薩卽從座起頂禮佛足而白佛言

溫陵曰彌勒正云梅怛利曳那此翻慈氏爲慈隆卽世悲臻後劫愍物迷識故示迹發明也

那

二陳

白之言分三

辰

一上古得定分四

巳

一上古佛世

我憶往昔經微塵劫有佛出世名日月燈明

② 二出家求名

我從彼佛而得出家心重世名好遊族姓

此蓋敘古在凡夫地內輕外重身雖出家心慕豪貴好遊族姓者喜親近國王大臣也此遠因實事

不必回互解爲貪着名相等意且前之多姪復作
何意回互之乎況唯識正是名相豈不增病(巳)三
教修惟識

爾時世尊教我修習惟心識定入三摩地
因其重世名族外求馳散故授以惟心識定令其
通達萬境惟我心識變現一如夢幻生滅非實豈
可不究明心識而反重其所變之境乎由是但自
觀察惟識止其外慕馳散而定心成就所謂因病
而藥者也(巳)四久習忘名

歷劫以來以此三昧事恒沙佛求世名心歇滅無有
惟識定深萬境如電外輕內重無復馳求故求名
心滅此先顯對治悉檀破惡益也(辰)二中古定成
分三(巳)一確指佛世

至然燈佛出現於世

(巳)二惟識極成

我乃得成無上妙圓識心三昧

積功雖歷多劫入理在一剎那蓋前所習者不離
五位惟識尚屬權宗至此窮極識理所謂性識明
知覺明真識妙覺湛然徧周法界融入如來藏性
故曰無上妙圓此方顯第一義悉檀入理益也(巳)

三一切惟識上科方極惟識之體此科乃極惟識之用又爲二甲一世界惟識

乃至盡空如來國土淨穢有無皆是我心變化所現國土舉無情器界之總相有無卽成壞也此雖以唯識爲入門上科旣曰無上妙圓則今所謂變化者亦非同相宗但由妄發乃達緣起卽是性起種種變化皆生於妙圓真心矣⑤二諸佛惟識

世尊我了如是惟心識故識性流出無量如來

吳興曰流出如來者從法身識性流出報應佛身也○此說妙圓識性卽爲法身從法身而起應化

其身無量雖理趨頗通然此但約自己不盡他佛似是無量身而非無量如來又須極果方能非是本具頓悟之境今解如來者有情根身之總相首句了卽悟也承上結定轉起下文言我悟達惟識至於窮界萬法如此由是不但祇見世界惟識乃見藏識海中三世十方無量諸佛皆從流出所謂衆生心內諸佛時時成道是也又如華嚴中菩薩証真見佛無邊皆在身心出沒未當云如來尚惟識性流出況餘九界衆生流出可知⑥三得補處記

今得授記次補佛處

夫窮極唯識圓證法界既見諸佛依正皆是自心而自心豈不成佛故得授補處記卽補釋迦佛位次當作佛也那三結答圓通

佛問圓通我以諦觀十方惟識識心圓明入圓成實遠離依他及徧計執得無生忍斯爲第一

清涼引護法釋三性云一切心及心所由薰習力所變二分從緣生故皆依他起徧計依斯妄執定實有無一異俱不俱等此二方名徧計所執二空所顯圓滿成就諸法實性名圓成實資中引喻圓成如麻依他如繩徧計如蛇○徧計有名無體依他有相無性惟圓成實是彼體性今言入後一者悟證真實體性也遠離前二者不復爲名相所迷也此經圓成實性卽如來藏心所以結入圓通彌勒識大已竟實七勢至根大又復分爲三那一作禮陳白

大勢至法王子與其同倫五十二菩薩卽從座起頂禮佛足而白佛言

溫陵曰觀經云以智慧光普照一切令離三塗得無上力名大勢至○又言此菩薩舉足下足皆動

一切世界震蕩三途令成解脫凡入諸佛會中必先震動故得是名且悲華經言往昔因中彌陀作輪王時觀音爲長子勢至乃其次子今在極樂居於彌陀左右倫者類也那二陳白之言分四庚一古佛親授念佛

我憶往昔恒河沙劫有佛出世名無量光十二如來相繼一劫其最後佛名超日月光彼佛教我念佛三昧

大本彌陀自具十三號中有斯二名詳彌陀勢至同時發心所師佛號乃古如來非卽彌陀二號既

同餘十佛名或亦多同十三佛號以師資一道不異古今如釋迦觀音之類念佛三昧據下文卽都攝六根淨念相繼也庚二詳喻感應道交此取天台觀經疏科名以衆生對佛此感彼應不同解入相應生佛一體也分二甲一先以二人爲喻又分

二甲一單憶無益

譬如有人一專爲憶一人專忘如是二人若逢不逢或見非見

一專爲憶喻佛念衆生也佛作菩薩時自果未圓尚於念念不捨衆生何況果後更無餘事惟念衆

生豈非專憶之至乎一人專忘喻衆生不念佛者也以如來專念衆生之力故若逢或見如諸聖不違本願遊化娑婆故令衆生偶逢偶見之類是也以衆生無心念佛之力則雖逢不逢如佛在世時亦來此國住七日而衆生冥然不知良由不念業障佛亦無柰何矣是冥中或逢而顯中實不逢也雖見不見如見文殊者但覩老人貧婆之類是也是聖豈作意詐隱實由業覆而妄見劣相耳如薄福見寶爲蛇爲蛙豈彼無情之寶亦能變化詐隱其本相耶吳興引舍衛九億家証此畧而未詳嘗

聞九億分三三億見佛聞法三億但聞名字三億名亦不聞不聞名者不與此例其但聞名字者卽逢而不逢者也以但逢佛在世與之同國而未遭遇形聲也其前三億若更分之當亦有見佛而不聞法者卽是或見不見以徒見不蒙法利故也諸義皆通取要言之以如來專憶故或逢若見以衆生專忘故不逢不見不能成決定逢決定見正意示人不想念佛者決無見佛往生之益④二雙憶不離

二人相憶二憶念深如是乃至從生至生同於形影

不相乖異

二人相憶喻生佛念同也意言衆生念佛能如佛
念衆生非惟必成決定逢見且如形影常不相離
正意示人想念佛者決定獲見佛往生之益矣(已)
二後以母子合喻又二(甲)一合單憶無益

十方如來憐念衆生如母憶子若子逃逝雖憶何爲
首三句合一人專憶也世間慈念最切者莫過於
母然子若悖逆過甚者母念或衰佛念衆生更過
於母逆惡愈甚者佛念愈深故佛大悲心相當照
阿鼻衆生是以求往生者不可思惟已惡而疑佛

不來接引此乃不達佛心自生疑阻殊可憐也若
子逃逝合一人專忘也雖憶何爲合若逢不逢雖
見不見也(甲)二合雙憶不離

子若憶母如母憶時母子歷生不相違遠

首二句合二憶念深末二句合從生至生等三句
也詳喻感應道交已竟(乙)三合喻顯示深益合喻
謂兼合前二喻然但合雙憶不離不合單憶無益
也深益卽往生成佛二大利益分二(乙)一必定見

佛益

若衆生心憶佛念佛現前當來必定見佛

憶佛兼事相圓融二種觀門念佛兼事一心及理一心二種三昧現前見佛謂不離現身於定中見或於夢中見也當來見佛謂報終陰壞見佛接引及彈指往生花開見佛也事相觀謂注心一方緣佛金身相好而已圓融觀謂以假空中三觀觀佛法報化三身舉一卽三言三卽一三一圓融也詳在觀經疏中事一心謂專心念佛無一毫雜緣而已理一心謂達法界一相舉一聲佛則全包法界圓住三身詳在彌陀畧解所見之佛亦隨觀念理事而不無勝劣矣問勢至敘古今何全取西方法

門證釋答菩薩明說此界攝人歸於淨土而所示觀念豈非導人觀念極樂應不必疑也(丁)二速得開心益上益雖具理觀理念皆可開心然且專說得見他佛未及正明白心開發顯露自佛果體故知上科但論見他佛此科乃說成自佛也分三(子)一近佛故開去佛不遠不假方便自得心開去佛不遠有二意一者未獲往生在觀念中須取理觀理念說其不遠以全住三身圓持法界與佛同身共命故曰不遠不假方便者不用別門方便

但由悟達他佛三身而本覺果體豁然顯現二者
已得往生常親近佛不假方便自然心開者以近
佛聞法及加被威力故速令心開果體顯現也所
謂但得見彌陀何愁不開悟也又解先見色身而
覩相佛則將隣法身而真佛不遠矣夫本覺顯現
則顯是自佛彰明奚止於惟見他佛耶二喻以
香薰三喻以如染香人身有香氣四喻以喻中以近香故身亦成香法中以近佛故心亦成
佛故知心開非同淺淺應卽是本覺佛現也三

出三昧名

此則名曰香光莊嚴

三昧名亦法門名不離觀佛念佛以佛法身香光
莊嚴自性佛也辰四述已自利利他

我本因地以念佛心入無生忍今於此界攝念佛人
歸於淨土

首三句自利也此之述已念佛便非用分別識心
所念乃攝根念也其法以一念不生六根湛寂不
妨圓照三身洞徹四土遂至信滿入住證無生忍
也由此反觀前之心開正相似覺發耳下三句利

他也此界卽娑婆界淨土卽極樂界攝者以威力
加持令不退念又臨終接引令其必獲往生那三
結答圓通

佛問圓通我無選擇都攝六根淨念相繼得三摩地
斯爲第一

都攝六根者令六根不動也淨念相繼者卽圓照
三身四土也得三摩地卽三昧成而証圓通境也
若約現位迹在等覺或本已齊佛今追論初心一
同衆之信滿入住矣夫各攝一根則屬六根圓通
都攝六根則屬根大圓通舊註釋爲意根當濫須

菩薩所修矣通論二十五門尋常六塵皆始於色
今始於聲而復留耳根在最後者正以諸門雖均
是教體而不盡當此方之機偈云此方真教體清
淨在音聞故今始於音而終於聞所以爲教體之
綱領而獨當此方之機且權小入門多循音教圓
實法要直反聞根故二聖示迹淺深不同也又七
大本先始於地大而此中火大爲先以多婬召火
合此經障婬起教所以警多聞人先除欲漏也又
七大終於識大而今終於根大者以勢至念佛圓
通稍次觀音大本彌陀經云極樂清淨次於泥洹

60

1 2 3 4 5 6 7 8 9 70

1 2 3 4 5 6 7 8 9 80

1 2 3 4 5 6 7 8 9

觀音所修乃諸佛一路涅槃之門正是泥洹極果
今令不能修自心泥洹者其次莫若念佛求往生
也此固經文不終彌勒而終於勢至之深意也諸
聖眾說已竟

實去要直又問財始一坐示振翼翠不回也又
踰時而輒當以玄空對且舉小入門後亦有無
事五音閑始今啟伏首而外於閑則以無事
長於體而不虛昔祖玄之號固是其人也

大佛頂首楞嚴經正脈疏卷第五 終



七

六

60

1 2 3 4 5 6 7 8 9

70

1 2

3 4 5 6 7 8 9

80

1 2 3 4

5 6 7 8 9

1 2 3 4

5 6 7 8 9